



巴縣志

全函
十七卷

ル 5
1503
2



1503
2

1503
2

巴縣志卷之二 建置

邑令王爾鑑熊峰纂修

邑人周開豐梅珪校閱

建置志

城池

周巴子故城

華陽國志巴子時都江州或治墊江或治平都後治閬中按閬中今閬中縣

墊江今合州平都今酆都水經江水又經東望峽東歷平都註云峽對豐民洲舊巴子別都也餘詳

古蹟

秦城巴郡

周慎靚王五年秦將張儀既滅蜀并執巴王以歸遂城巴始置郡



蜀漢大城江州

華陽國志劉先主初以江夏費瓘為太守領江州都督後都護李嚴更城

大城周迴十六里欲穿城後山自汶江通水入巴江使城在孤洲上求以五都置巴州丞相諸葛亮

以為有傷地脈不許

明砌重慶石城

明洪武初指揮戴鼎因舊址砌石城高十丈周二千六百六十六丈七尺

環江為池門十七九開八閉象九宮八卦朝天東水太平儲奇金紫南紀通遠臨江千斯九門開翠

微金湯人和鳳凰太安定遠洪崖西水八門閉

皇清初補築重慶郡城

明崇禎甲申夏六月張獻忠攻通遠門城陷順治三年總督李

國英駐節重慶康熙二年補築

按元和志巴縣在岷江之西漢水之南即李嚴所

修古巴城也至巴子或治墊江治平都治閬中自

以水經巴子別都之註作正解他如南平東陽丹

陽樂枳諸廢縣時分時合或省或入而江州自古

迄今郡治不徙但李制軍補築後越百餘載坍塌缺

復多歷奉估修格於不近邊塞議列緩工乾隆二

十五年冬奉

吳方伯檄轉奉

開制軍劄稱巴縣地方東連荆楚南接牂牁人煙稠

密水陸衝衢實為川東巨鎮中權扼要之區所有

城垣自應修理鞏固以資保障改列急工飭縣估
 計既悉地勢兼順輿情竚看雙虹抱郭百雉凌雲
 期于永資扞禦而壯郡威然險固可恃懷德惟寧
 衆志成城司土念哉

解署

學政試院

舊為總督部院署建始無考明萬曆元年
 總督李化龍駐節重慶即此試院舊在縣
 城隍廟右康熙五十四年知縣譚懋學詳
 改總督署為試院改舊試院為同知署

川東道署

在東水門內
 府城隍廟左

重慶府署

在太平門內通志宋嘉興間建元末明玉
 珍據作偽宮明洪武初郡守袁維真重修

明末燬於兵康熙八年郡守呂新命重建二十二
 年郡守孫世澤四十七年郡守陳邦器俱重修舊
 署南向右倚金碧山為江州結脈處向多樹木陰
 翳荒穢基址廓如堙塞實甚且房室與白象街應
 舍毗連每遇火患官舍固可虞而商民前臨大江
 後無退步在昔苦之乾隆二十四年郡守書敏移
 署倚山東向重建金碧山堂其餘解宇雖遷房屋
 仍舊顏以花木頓覺改觀且屏山帶江匪第登高

有火患退步寬餘洵官民兩便云

同知署

舊在白象街縣城隍廟右以舊試院為署雍正十一年分駐黔江轄黔彭二縣乾隆元年

裁西陽土司改直隸西陽州分設秀山縣割黔彭二縣隸焉同知仍回郡署乾隆十九年分駐江北

巴縣以舊署變價建新署於一陽觀下二十四年分

巴縣江北義禮二里仁里上六甲歸同知管轄奉

通判署

舊在豐瑞樓內南向乾隆二十五年通判陳金涵遷建府署右倚山東向

經歷署

舊在府署右南向乾隆二十四年改司獄為

其舊署重屬十三州縣詳明買作公館二十五年署經歷徐綿壙以監舍逼近民居深虞火患又遷

司獄署於通判新署右東向為經歷署

照磨署

乾隆二十四年分隸縣治改司獄為江北同知照磨以舊司獄署變價建署於同知署傍

府教授署

府訓導署

俱詳學校

巴縣署

在府治右倚山東向明末燬於兵康熙六年知縣張柟重修頭門三間儀門五間左右角

門三間科房十八間大堂三間捲棚三間二堂三間兩廂房六間左廳四間對廳三間三堂五間兩廂房四間西書房上下八間厨房五間乾隆十六年知縣王爾鑑於署左山上建望江書屋五間二堂右建房三間三堂右上下建建房四間二十三年火共燬四十九間知縣王爾鑑重修并建旌善亭

明二亭

縣丞署

在白市舊驛署雍正七年分駐縣丞

典史署

在縣治左

巡檢署

在木洞舊驛署雍正七年設

縣教諭署

縣訓導署

俱詳學校

重慶鎮署

在金紫門內康熙八年建

中營遊擊署

在楊柳街

中營守備署

在旗纛廟街

左營遊擊署

在八仙土地街係重慶衛改建

左營守備署

在八仙土地街

右營遊擊署

在鳳凰門內

右營守備署

在鳳凰門橫街

按官署如傳舍不可有傳舍心蕪不治朽不葺陋
 已若藻飾塗績恣偃仰臨眺弗勤厥理捫心奚安
 士君子居位盡職托庇大厦一絲一粒天糈耶民
 膏也登是堂處斯室云胡仰報君父又安蒞屋爾
 室屋漏火滅修容將惕惕日無寧息巴爲東川要
 區曩者曾以制撫軍駐節有監司守令丞倅學椽
 有鎮帥將備職列崇卑制分廣狹敷猷布治厥義

維均居斯署者不傳舍其心竝不傳舍其地庶於
設官置廨之意有當云

祀典

壇壝

社稷壇

會典社稷壇制築治東坐南向北方二丈高三尺四出陛各三級壇前十二丈或九丈五

尺東西南各五丈繞以周墻四門紅油人從北左門入右門出石主長二尺五寸方一尺埋於壇上

正中近南二尺五寸露圓尖於外每歲仲春仲秋上戊日清晨向南致祭牌位以木為之高二尺二

寸濶四寸五分座高四寸五分濶八寸五分朱漆青字社神位置東稷神位置西祭畢藏之巴縣地

碑於江壇舊在通遠門外日久傾廢雍正三年改設金紫門雍正十一年知縣沈天成卜築南岸黃

葛渡側乾隆三年因祭時值江漲遵巡道陸賜書郡守李厚望議暫設府城隍廟正殿外歲春秋二

祭每祭銀二兩地丁支銷

儀注

主祭長官行三獻禮餘官陪祭其齋戒省牲更衣僉祝瘞毛血降神迎神盥洗奠帛初獻讀祝亞獻終獻飲福受胙謝神徹饌辭神望燎送神等禮俱與文廟丁祭同惟向南矮案無啟戶闔戶升堂改為升壇奠獻帛爵先社後稷福酒福胙取社前者讀祝在壇之中

陳設

祭用羊一俎豕一俎和羹登鉶一形鹽籩一藁一菁菹豆一鹿菹豆一居右中稻簋一梁簋一黍籩一稷籩一帛匪一黃色長一丈八尺酒奠三

祝文

維某年某月某府州縣某官等敢昭告於社稷之神曰維神莫安九土粒食萬邦分五色以表封圻育三農而播稼穡恭承守土肅展明禋時屆仲穡敬修祀典庶芘芘松柏鞏盤石於無疆翼翼黍稷佐神倉於不匱尚享

風雲雷雨山川壇

會典壇築城之北郊如社稷壇制坐北向南人從南左右門出入無

石主每歲仲春秋上旬擇日設三案安三神位風雲雷雨居中山川居左城隍居右同壇向北致祭巴縣壇舊設江南岸海棠溪側年久傾圮雍正二年設祀金紫門外雍正十一年知縣沈天成復修海棠溪側舊址涉江致祭後亦因江水泛漲於乾隆三年議設崇因寺正殿外歲春秋二祭每祭銀二兩地丁銀支銷

儀注

禮節與社稷壇同但臨祭時執事者先將毛血瘞於西北坎內通贊不唱瘞毛血一禮奠獻帛爵先詣風雲雷雨神位次山川次城隍次讀祝所福酒福胙於風雲雷雨前取之而望瘞改為望燎

陳設

牲匣籩豆簋登鉶等器物與社稷壇同惟中帛四左帛二右帛一俱白色長一丈八尺案用棹高

祝文

維某年某月某府州縣某官等敢昭告於風雲雷雨山川城隍之神曰維神贊襄天澤福

佑蒼黎佐靈化以周流生成永賴乘氣機而鼓盪
溫肅攸宜磅礴高深長保安貞之吉憑依鞏固實
資捍禦之功幸民俗之盛殷仰神明之庇護恭
修歲祀正值良辰敬潔籩豆祇陳牲幣尚享

先農壇

禮記祭統云天子親耕於南郊諸侯耕於東
郊今各省宜擇官地之潔淨豐腴者立為藉

田如無官地照九卿原議動支正項錢糧置民田
以四畝九分為藉田即於田後建立先農壇神牌

式樣高二尺四寸寬六寸座高五寸寬九寸五分
紅牌金字填寫先農之神巴縣城外三面盤江不

能拘東郊之義其藉田壇位舊置在治西南紀門
外五里地名兩路口康熙十一年知縣嚴範監修

雍正三年二月經九卿奏定祀典知縣王繼會重
修上正屋三間下廡廳三間左右廊屋各三間中

供神牌兩廊有貯祭器農具及守壇農夫居之週
圍墻垣高五尺長三十二丈門北向乾隆三年知

縣王裕疆十三年知縣張仕棟節次修葺藉田載
條糧一錢三分戶名即先農壇知縣官完納每年

租穀八石供粢盛縣治十二里每里舊設八品頂
帶農官一名耕藉日齊集壇所承應牽牛扶犁等

用今僅存農官一名查知縣王繼會重修壇
所係用雍正四年鹽茶羨餘銀兩蓋造報銷

儀注

先期致齋二日祭日主祭官及各官俱穿朝服
齊集壇前行三獻禮一切禮儀與文廟丁祭同

祭畢更蟒袍行耕藉禮查會典九卿耕藉俱穿蟒
袍補服用耆老一人牽牛農夫二人扶犁順天府

廳及大宛兩縣各官捧箱播種各省耕藉除省城
督撫大員各官依次遵例舉行外各府州縣正印

官秉耒佐貳捧箱播種耆老牽牛農夫扶犁如無
屬員捧箱播種耆老農夫代之九推九返農夫終

畝望闕行三跪九叩首禮是日日本道先秉耒同
知捧箱知府播種本府秉耒通判捧箱知縣播種

知縣秉耒縣丞捧箱典史播種俱九推九返農夫
終畝每年耕藉日期及所收穀石并用過粢盛數

日例於年底造冊報
布政司送部查核

陳設 查雍正三年奏定各省府州縣祭社稷壇所用

壇品物

祝文 維某年某月某府州縣某官等敢昭告於

先農之神曰維神肇興稼穡粒我烝民頌思文

之德克配彼天念率育之功常陳時夏茲當東作咸服先疇洪維

九五之尊歲舉三推之典恭膺守土敢忘勞民謹奉

瑞類書於大有尙享 麻庶幾九穗雙岐上

農具牛隻籽種成規 查九卿議農具赤色牛黑色籽

處土宜選擇勤慎農夫一名免其差役看守壇宇

瀧溉藉田地方官不時親查其力作收穫遵爲

定 江門外設有古壇竝廟宇年久傾壞乾隆十四年

僧意如捐修九柱六列上廟五間二十年重修下

廟三間外舖面六間取租爲香火資每逢清明七

月十五十月初一共三祭每祭銀三兩四錢四分

知縣官 捐用

儀注 先期三日主祭官齋沐補服備香燭酒果詣府

縣城隍前行告祭禮一跪三叩首詣神位前獻

爵復位再行一跪三叩首禮焚告祭文屆期府縣

各命屬員請府縣城隍鎮壇致祭各官詣壇所通

贊唱主祭官就位行一跪三叩禮詣城隍神前跪

三獻酒復位讀祭文訖再行一跪三叩禮焚祭文

陳設 設城隍位於壇上豕一羊一葷素各十六金帛

楮錢設無祀鬼神位於壇下左右相向三牲羹

醴飯酒

祝文

維某年某月某府州縣某官等遵承 禮部劄付為祭祀本府縣闔境無祀鬼神等眾事該欽

奉

皇帝

聖旨普天之下后土之上無不有人無不有鬼神

人鬼之道幽明雖殊其理則一故天下之廣兆民之眾必立君以主之君總其大又設官分職於府

州縣以各長之各府州縣又於每百戶內設一里長以綱領之上下之職綱紀不紊此治人之法如

天子祭此

大地神祇及天下山川王國各府州縣祭境內山川及祀典神祇庶民祭其祖先及里社土穀之神上下

之禮各有等第此事神之道如此尚念冥冥之中無祀鬼神昔為生民未知何故而歿其間有遭兵

刃而橫傷者有死於水火盜賊者有被人取財而逼死者有被人強奪妻妾而死者有遭刑禍而負

屈死者有大災流行而瘟疫死者有為猛獸毒蟲所害者有饑饉而凍死者有因戰鬪而殞身者有

因危急而自縊者有因墻屋傾墮而壓死者有死後無子孫者此等孤魂或終於前代或沒於近世

或兵戈擾攘流移於他鄉或人煙斷絕久缺其祭祀姓各泯沒於一時祀典無關而不載此等孤魂

死無所依精魄未散結為陰靈倚草附木或作為妖怪悲號於星月之下呻吟於風雨之時凡遇人

間節令心思陽世魂杳杳以無歸身墮沉淪意懸懸而望祭興言及此憐其慘悽故勅天下有司依

時享祭在京都有郡厲之祭在各縣有邑厲之祭在各府州有郡厲之祭在各縣有邑厲之祭在一

里又各有鄉厲之祭期於神依人而血食人敬神而知禮仍命本處城隍以主此祭欽奉如此今某

等不敢有違謹設壇於城隅置備牲醴羹飯專祭本府台境無祀鬼神等眾靈其不昧永享此祭凡

我一府境內人民儻有忤逆不孝不敬六親者有姦盜詐偽不畏公法者有拘屈作直欺壓良善者

有躲避差徭靠損貧戶者似此頑惡姦盜不良之徒神必報於城隍發露其事使遭官府輕則笞決杖斷不得號為良民重則徒流絞斬不得生還鄉里若事未發露必遭陰譴使舉家並染瘟疫六畜田蠶不利如有孝順父母和睦親族畏懼官府遵守禮法不作非為良善正直之人神必達於城隍陰加護佑使其家道安和農事順遂父母妻子保守鄉里我等闔府官吏等如有上欺

朝廷下枉良善貪財作弊蠹政害民者靈必無私一體昭報如此則鬼神有鑒察之明官府非誚諛之享祭尙

祠廟

文廟 府文廟在治西北 縣文廟治東北

崇聖祠 在大成殿後

名宦祠 文廟東 府縣同

鄉賢祠 文廟西 府縣同

忠義祠 文廟東 府縣同

節孝祠 在朝天驛內乾隆八年知縣王忠武建乾隆二十一年知縣袁錫夔重修

文昌祠 治西北建自唐開元二年明嘉靖閒建桂香殿萬曆十三年天啟七年康熙三十一年俱

重修乾隆二十三年燬於火知縣王爾鑑率紳士重修

關帝廟 治西北楊柳坊明末兵燹康熙三年總督李國英重建

大禹廟 在江東南岸禹后塗山氏並祀各碑見藝文

城隍廟 府廟在川東道署右萬曆三十年知府傅光宅平播後重修有碑康熙二十四年知府孫

世澤雍正十一年知府馬世藻重修乾隆十八年知府徐正恩知縣王爾鑑立界碑縣廟在舊同知署左康熙三十三年知縣陳堯智重修

龍神祠

乾隆十七年川東道積行捐銀四百兩知府徐正恩知縣王爾鑑同重屬州縣捐銀六百

兩改治平舊寺為正殿添建捲棚廊房樂樓山門墻垣撥香國寺常住餘租市斗五十九石糧冊名

龍神祠歲納糧銀八錢五分五釐九毫一絲

三忠祠

舊在南紀門內祀明末殉難巡撫陳士奇知府王行儉知縣王錫年久圯乾隆十五年知

縣張兌和改舊緝書書院為三忠祠

獄神祠

縣治頭門右監內祠三間

馬王廟

縣治頭門左馬號舊有祠乾隆二十三年燬於火知縣王爾鑑重建又朝天門內馬王廟

創自明萬曆三十一年南紀門內金馬寺創自康熙二十三年營員祀

八蜡廟

俗名八廟堂在三品京堂街康熙三十八年重建

火神廟

在儲奇門內雍正五年修

旗纛廟

在總兵署右街康熙四年建

按巴壇廟竝依令典或稍變置於禮無乖如

先農壇建南紀門外

風雲雷雨山川社稷壇改祀

於崇因寺府城隍廟限於地也劉猛將軍為南宮

金壇進士驅蝗保穡載在祀典應列專祠今寄位

八蜡廟中亦權也神不擇地祀惟其誠無慢神者

斯無虐民鑒觀不爽尙其凜哉

火輻輳兼五正半對

八散番東照三十八半重數

溫寺陰自東照二十三半營員疏

恤典

岷江救生船

岷江俗稱大河水程上至江津界一百里下至長壽界一百七十里大小險灘

共七十一處乾隆三年知縣王裕疆擇最險者十一灘繪圖請設五板船五隻通融救濟

鑽竈子

設船一隻防救中水小水至大水無灘時移泊青巖子救濟

猪腸子

設船一隻防救小水至中水無灘時移泊牛頭溪救濟至大水無灘時移泊烏龜石

救濟

觀音梁

設船一隻防救大水至中水無灘時移泊峩鬼堆救濟

巨梁灘

設船一隻防救大水至中水無灘時移泊黑石堆救濟

鮓魚坑

設船一隻防救大水至中水無灘時移泊馬嶺灘救濟

○按救生船每隻水手六名共水手三十名每名月給工食銀六錢共歲支銀二百一十六兩閏月加增三年小修每隻除用舊料變價銀三分八釐外實用銀二兩七錢五分七釐二毫五絲五年大修每隻除用舊料變價銀七分六釐外實用銀五兩五錢一分四釐五毫十年拆造每隻除用舊料變價銀一兩八錢外實用銀一十六兩三錢四分六釐俱於鹽羨請領造報

嘉陵江救生船 嘉陵江俗稱小河水程上至合州界一百二十里大小險灘二十三處乾隆三年知縣王裕疆擇最險灘四處詳設平底快船二隻通融救濟

石門灘 設船一隻防救大水至中水無灘時移泊鑄頭嘴救濟

北碚梁 設船一隻防救中水至大水無灘時移泊大洞口救濟

按每船一隻水手四名每名月支工食銀六錢共歲給銀五十七兩六錢乾隆十五年裁

養濟院 巴邑舊無養濟院遇有孤貧地方官自行賑恤雍正十三年部議孤貧一名歲給米布

花共折銀二兩四錢九分於地丁銀支銷乾隆二年川撫碩色奏請照江督慶復請均孤貧一案部議覆每名日給銀一分扣除小建遇閏加增乾隆三年始嗣奉

恩詔設樓留所乾隆三年知縣王裕疆建養濟院於圖關後石馬槽坐南向北前後門二座正房三

廂房四間并週圍墻垣孤貧原無定額每收養查明取結加印結由府詳藩司彙咨病斃捐棺瘞之報明扣截再院所基地係民婦張沈氏以無嗣義捐

育嬰堂

原置千斯門內乾隆十二年護川東道宋壽知府林興潤知縣張松等率紳士公捐銀一

千四百兩兩買置洪崖坊貢生鄧斐房一所前後四層左右廂房四向廚房一向為育嬰堂規制宏厥詳

明各憲經前撫紀山撰文勒石餘銀七百兩按月生息每兩月利一分二釐五毫每乳婦領喂遺嬰

月給口糧銀一兩六錢設堂役一名月給工食銀五錢在垣內菜地收租支發遇遺棄嬰兒報縣某

月日某乳婦領養某嬰兒註冊地方官不時驗其羸茁豢養漸大以出院之日截扣乳婦口糧除按

月支銀造報外餘銀仍呈繳貯庫乾隆二十一年川東道宋邦綏將育嬰堂改東川書院易渝州書

院作育嬰堂查渝州書院在縣治北治平寺後乾隆三年知府李厚堃建大門一座一房三間左右

廂房各二間廚房一間園地一塊較原置堂所稍隘其生息銀於乾隆二十一年四月每兩增改利

銀一分五釐

附

體仁堂

設江北鎮潮音寺係士民韓帝簡周琰龍象昭張宗蔚陳尚仁李恒毛驥張士貴周尚義

陳正陽等十人各捐銀一百兩生息乾隆六年買置義塚建白骨塔收瘞暴骸知縣王裕疆據情詳

請准行在案嗣於乾隆九年買市房二所收租以所入置棺催長工數名遍驗水陸遺屍或貧無殯

者施以棺每年約置棺三四百副有奇又節婦蔣氏以所遺石龍溝田一段載糧二錢九分零呈且

施白勸其事

敦義堂

繼體仁堂設也係本城監生彭元臣里民汪子玉樊佐周李學易皮佩南李崎舒占輝耶

懷禮蕭開國會子俊王紹周劉興漢等十二人於乾隆十八年共捐銀二千八百有奇生息取利輸流收管建屋於朝天觀左前後各三間週以墻垣爲貯棺所買市基舖房十一間每年約收租銀一百四十兩以所入購木置棺餘銀仍留生息另置租房以圖持久邑人周開豐撰記勒石知縣王爾鑑給澤廣西岐額

按巴江寸節皆灘設救生船防險拯危俾脫魚腹養濟育嬰衰老恤幼子惠蒼黔第恩流自上奉仁之責則有司存倘痾瘵弗切溝壑罔聞民之父母云何如救生則篷橈朽敗水手缺乏老弱濫充塢舟不善又或繫泊家門逍遙河上者有之如養濟

則以流丐冒支土著反匿不報院宇雖存流離不免育嬰則有無乳濫應者有一婦冒領數兒臨時丐隣婦應者有所乳嬰孩已殤潛棄不報藉他兒搪塞者又有以己兒混入假爲領養者糧旣冒支典幾虛設巴當衝劇區簿書日不暇給往往忽不經由天心民命所關匪輕職司芻牧尙其留意至體仁敦義二堂施榘掩骼誠爲義舉鄉有善士守土樂聞附列邑乘以昭久遠

聖諭坊 在縣大堂前雍正元年奉文立
 午榜重光坊 在千斯坊龍神祠大街為嘉靖甲午舉人汪淵隆慶庚午舉人汪言臣立今燬
 都憲坊 在八仙土地街明嘉靖十九年為都察院右副都御史李文進立又嘉靖二十二年立可
 諫坊 在府文廟左明嘉靖三十三
 都御史坊 在府文廟左明嘉靖三十三
 四藩督撫坊 在總鎮署官廳前明嘉靖三十
 進士坊 在府文廟左明嘉靖四
 戊辰科舉人坊 在朝天觀街左內有劉世賞曹大楚魏仕賢詹貞吉徐元吉等姓名嘉靖

太坊表

聖諭坊

在縣大堂前雍正元年奉文立

午榜重光坊

在千斯坊龍神祠大街為嘉靖甲午舉人汪淵隆慶庚午舉人汪言臣立今燬

都憲坊

在八仙土地街明嘉靖十九年為都察院右副都御史李文進立又嘉靖二十二年立可

諫坊

都御史坊

在府文廟左明嘉靖三十三

四藩督撫坊

在總鎮署官廳前明嘉靖三十

進士坊

在府文廟左明嘉靖四

戊辰科舉人坊

在朝天觀街左內有劉世賞曹大楚魏仕賢詹貞吉徐元吉等姓名嘉靖

年開立今燬再神仙口黃葛樹前舊有舉人坊亦燬又一坊存石柱四根

丙午舉人坊

在朝天觀街右內有曹大川姓名嘉靖年間立今燬

天寵榮封坊

在楊柳街中營署側明萬曆元年為都御史劉起元立

父子諫垣坊

在楊柳坊關帝廟右明萬曆八年為戶科給事曹沐曹大埜立

都憲坊

在神仙十字街明萬曆十年為都御史劉世曾立

東省鑑衡坊

在府文廟左明萬曆十年為提督學使山東按察司蹇達立

恩賜壽岳坊

在十八梯明萬曆十一年為僉都御史曹沐立

紫誥重光坊

在府文廟左明萬曆十一年為兵部主事蹇定相立

太師坊

在府文廟魁星樓前明萬曆十三年為吏部尚書蹇義立

濟美臺卿坊

在楊柳坊教場口明萬曆十四年為參政曹沐都御史曹大埜立

功靖西南坊

在楊柳坊中營門前明萬曆十四年為兵部侍郎劉世曾立

滹恒按部坊

在儲奇坊三聖廟側明萬曆十四年為監察御史汪言臣立

天官主爵坊

在神仙坊猪油街明萬曆十六年為吏部文選司郎中倪斯蕙立

榜眼坊

在府文廟左明萬曆十六年為太子太保劉春立

茂德世慶坊

在太平坊魚市口明萬曆十六年為蘇茂熊立今燬

太保坊

在府文廟右明萬曆三十三年為太子太保蹇達立

三世尚書坊

在府文廟右明萬曆三十三年為太子太保蹇廷相少保蹇來譽太保蹇達立

祖孫憲部坊

在楊柳坊關帝廟右明萬曆四十四年為正德壬申刑部河南司員外郎曹

勅嘉靖癸亥刑部河南司郎中曹大川立

榮壽坊 在華光坊猪油街明萬曆四十六年為百歲張翺八十九歲張四教進士張孝立

司農經國坊 在靈璧坊正街明萬曆四十八年為戶部侍郎蹇達立

豫章撫臺坊 在府文廟右為都御史曹大埜立年月無考

兩朝恩命坊 在翠微坊為都御史劉翺立年月無考

三世樞卿坊 在金紫坊正街為兵部侍郎趙仰趙之璧柳州知州趙士直立年月無考

父子進士坊 在鳳凰臺左响水橋側為江中躍立年月無考

天寵榮褒坊 在東水坊大十字街萬曆年間為胥從化立今燬

濟美坊 在人和坊大街為徐為藩徐為屏立今燬

兄弟解元坊 在朝天門月城內為劉春劉台立今燬

閣學坊 在儲奇坊十字萬曆年間為劉春立今燬

內侍清臣坊 在鳳凰臺左下書父劉起宗戶科給事中子劉世賞山東監察御史一面大書

使孫劉世賞湖廣左布政使年月無考

御史坊 在府學泮池左萬曆年間為曹大埜立今圮

三品京堂坊 在翠微坊陝西街為都御史劉應箕立年月無考

欽晉榮階坊 在干斯坊新街口姓名失傳今燬

雙烈凌霄坊 在南紀門內明天啟七年為生員沈仍煒烈女艾芷二姑立

節炳千秋坊 在鳳凰臺左明天啟七年為處士吳舜妻段氏立

繡衣坊

在崇因寺左園內姓氏年月無考今圯

節孝承恩坊

在楊柳坊中營署側為處士王漢武妻彭氏立年月無考

貞節坊

在華光坊袁家十字街康熙三十五年為儒士王英妻田氏立

節孝齊芳坊

在紅崖坊响水橋乾隆二年為處士顏正色妻楊氏立

柏舟琴清坊

在南紀坊城墻邊乾隆二年為儒童曾王妻王貞女立

節孝承恩坊

在南城坪乾隆七年為張瓊妻涂氏立

按坊表之建表厥宅里樹之風聲所以勸善巴邑科第之盛甲於全川膺封爵登宰輔部院臺垣制撫司道不一其人而忠臣孝子烈女節婦數百年

綽楔指不勝屈明季奢獻蹂躪城社為墟傾圮過半復累遭祝融之患燬燬更多茲錄其現存及已燬名可稽者著於右珂里流芳龍章旌淑俾來者聞風興起云

城內二十九坊

太平坊

宣化坊

巴字坊

東水坊

翠微坊

朝天坊

金沙坊

西水坊

千斯坊

治平坊

崇因坊

華光坊

洪崖坊

臨江坊

定遠坊

楊柳坊

神仙坊

渝中坊

蓮花坊

通遠坊

金湯坊

雙烈坊

太善坊

南紀坊

鳳凰坊

靈壁坊

金紫坊

儲奇坊

人和坊

城外十五廂

太平廂

太安廂

東水廂

豐碑廂

朝天廂

西水廂

千斯廂

洪崖廂

臨江廂

定遠廂

望江廂

南紀廂

金紫廂

儲奇廂

人和廂

江北六廂

一陽廂

石梁廂

金沙廂

寶蓋廂

落伽廂

鶯花廂

附城內水溝

後寺坡水溝一道

由府縣衙門前合魚市口陰溝至一牌坊轉普菴堂大溝出城

外太平橋入外江

梁子上水溝一道

由文昌宮下魚市口一牌坊合小溝出普菴堂合大溝出城外

太平橋入外江

神仙口水溝一道

由東華觀流出正街並家巷段牌坊合人和門溝出城外沙

灣入外江

三聖殿水溝一道

由橫街水溝流備奇坊十字轉火神廟大街過金紫坊出靈壁

坊正街陰溝出城外金紫石入外江

關帝廟水溝一道

由楊柳坊學院衙門合教場塢右水溝照壁後小溝下觀音崖

木溝出城外馬矢崖入外江

曹家菴水溝一道

由銅鼓臺回回溝出馬王廟十字合香水橋大溝出馬矢崖入

外江

五福宮水溝一道

由火藥局合九塊橋下南紀坊通雙烈坊出駱家溝合鳳凰臺

大溝出城外石觀音入外江

縣城隍廟後坡水溝一道

由宣化坊正街合巴字園過遇仙橋出城外捺

耳崖入外江

崇因寺下小十字水溝一道

由打銅街至猪市街轉蔡家灣合溝出城

外沙灣入外江

余家巷水溝一道

由江西會館洗墨池合溝過翠微門右小溝出城沙灣入外江

金沙岡水溝一道

由三品京堂陝西街過街樓沙井灣出城外黃魚嶺入外江

木匠街水溝一道

由華頭嘴轉姚家巷合西水坊小溝出城外麻柳灣入外江

藥王廟水溝一道

由梅子坡下干斯坊合水巷子出干斯門右土地廟入內江

東岳廟水溝一道

由木牌坊九尺坎轉福興菴前合溝出城外蔡家灣入內江

袁家十字水溝一道

由姜家巷左石板街合香水橋出洪崖門城外入內江

蓮花坊水溝一道

由興隆菴至通遠坊合蓮花坊大溝出城外牛皮洞入內江

蓮花池右水溝一道

由大井灣從定遠門右陰溝流出城外給孤寺溝入內江

按巴一葉雲浮萬家煙聚坊廂塵市傍壑凌巖巽

楚蜀粵滇黔秦豫之貿遷來者九門舟集如蟻陸

則受塵水則結舫計城關大小街巷二百四十餘

道酒樓茶舍與市闐舖房鱗次繡錯攘攘者肩摩

踵接而宵小奸宄時潛伏於城隅闐闐間縱嚴保

甲以稽之而朝遷暮徙迄無定居文武兵役雖曰

供使令保無悍蠹局賭圍娼市井牙僧雖曰評物

價保無奸猾騙客吞商至於附郭沿江之充募水
 手者千百成羣暮聚曉散莫辨奸良此皆渝州坊
 廂可深為隱憂者稽察稍疎貽害滋大職斯土者
 警情妨奸小懲大戒堅以一心始終罔逸庶奸匪
 不致容足抵隙於以柔遠寧邇俾肘腋之地綏輯
 無虞厥道弗在是與至於古昔築城俱留有出水
 洞門疏通城內溝水俾無壅滯固城墻便行人保
 屋舍厥義至遠但日久淹塞猝遭暴雨難免橫溢
 今附列於右庶觸目動心以時飭修云

鄉里

宋四鎮

石英鎮

峰玉鎮

藍溪鎮

新興鎮

明七十二里

梓潼里

石英里

虎封里

沙溪里

茶店里

高潭里

封文里

冠山里

照石里

石橋里

白市里

鳳山里

雙山里

柳市里

石洞里

佛菴里

東停里

梁灘里

來鳳里

甕墳里

新市里

多榮里

保積里

大同里

大通里

甘泉里

新安里

利石馬里

利東陽里

雲臺里

龍居里

清溪里

甘口里

函谷里

虎溪里

紅崖里

新豐里

居義里

金子里

木洞里

鍾樓里

金劍里

石佛里

大成里

和東陽里

和市里

何龍門里

鴛鴦里

石城里

江右里

石虎里

江北里

劉市里

劉何市里

流石子里

流石馬里

寶勝里

新山里

善慶里

樂積里

銅鼓里

卧石馬里

胡崖里

懷石馬里

固城里

毛龍門里

沙平里

青石里

金輪里

雲篆里

土沱里

香門里

皇清初編四里

西城里

江北里

居義里

懷石里

康熙四十六年知縣孔毓忠改編十二里每里十甲

忠里

孝里

廉里

節里

仁里

義里

禮里

智里

慈里

祥里

正里

直里

按巴渝自奢獻頻躪閤舊家存者蓋寡擾鋤里

氓亦鮮土著十二里刀耕火種楚豫兩粵之人爲
多倚巖傍峪星散離居既少村落聚族兼之編竹
爲籬墻垣不備狗偷鼠竊易擾蔀屋然梯雲犁嶽
繡壤交錯無逸手足便致富饒苟守望相助耕
交勗無以末作害農功無行不義傷雅化將老有
所終壯有所用幼有所長桑麻雞犬皞皞熙熙
享昇平之樂詎非仁里與

場鎮

忠里

新市場

一甲離城八十里
二甲離城八十里
彭家場 一甲離城七十五里

跳石河

二甲離城一百二十里
公平場 四甲離城七十里
一甲離城七十里

界石場

五甲離城六十里
鹿角場 八甲離城四十里
四甲離城四十里

石岡場

九甲離城一百一十里
德隆場 十甲離城一百一十里

孝里

兩路口

一甲離城一十里
魚洞溪 二甲離城八十里
二甲離城八十里

馬驥嘴

二甲離城一百二十里
苦竹舖 五甲離城九十里

永隆場 九甲離城百四期 接龍場 十甲離城百六期
廉里

復興場 一甲離城百四期 聖燈場 二甲離城二百里

興隆場 四甲離城二百九期 龍岡場 四甲離城百五期

石龍場 四甲離城二百九期 沙鎮場 八甲離城二百九期

長生橋 八甲離城二十期 乾天池 八甲離城二十里

紅爐廠 八甲離城十五里

節里

倒坐場 一甲離城五十期 毛家場 四甲離城六十期

江家場 五甲離城百六期 二聖殿 六甲離城七十一期

太和場 七甲離城百四期 石廟店 七甲離城一百里

永興場 八甲離城七十期 石龍場 九甲離城二百期

白鶴塘 九甲離城八十期 觀音場 十甲離城百六期

涼水井 十甲離城百八期

仁里

魚嘴沱 一甲離城八十期 隆興場 二甲離城百一十期

土沱驛 二甲離城一百里 關口場 二甲離城一百一十里

明月場 三甲離城二百一十四期 桶井場 三甲離城百六十四期

梅溪鎮 三甲離城百五十七期 石船場 三甲離城百三十三期

溫塘場 三甲離城一百一十七期 老鷓石場 三甲離城一百一十七期

瓦店子 四甲離城百八十九期 舒家場 四甲離城六十七期

太洪江 五甲離城百六十九期 金鷄背 五甲離城一百一十七期

樂磧鎮 六甲離城二百一十七期 新興場 六甲離城一百一十七期

蘇柳嘴 七甲離城百五十七期 雙河場 八甲離城百二十七期

冬青場 九甲離城百三十七期 豐盛場 十甲離城百三十七期

義里

迴龍場 一甲離城百八十七期 永興場 一甲離城百六十七期

興隆場 一甲離城百四十七期 復興場 一甲離城百八十七期

三江口 一甲離城一百一十七期 雙河場 一甲離城百一十七期

鳳凰場 二甲離城百三十七期 王家場 三甲離城八十七期

木耳場 三甲離城九十七期 多寶場 三甲離城百一十七期

沙坪場 四甲離城八十七期 一碗水 四甲離城六十七期

人模灘 四甲離城七十七期 兩路口 四甲離城五十七期

寸灘場 五甲離城五十七期 石盤頭 五甲離城二十七期

古路平 五甲離城三十七期 鴛鴦場 六甲離城四十七期

磨子溪 六甲離城五十七期 悅來場 七甲離城六十七期

禮里

李家場 二里一甲離城五十九期 土主場 三里一甲離城百三十九期

東陽鎮 三里一甲離城百一十九期 石坦場 六里一甲離城百四十九期

接龍場 六里一甲離城百二十九期 柏楊場 六里一甲離城百三十九期

靜觀場 八里一甲離城百二十九期 兩口呂 八里一甲離城百二十九期

接龍場 十里一甲離城百二十九期

智里

車歇舖 三里一甲離城百二十九期 冷水埡 四里一甲離城百二十九期

太平場 八里一甲離城百二十九期 白沙沱 六里一甲離城百二十九期

彭家場 八里一甲離城百二十九期 陶家場 十里一甲離城百二十九期

慈里

太平場 二里一甲離城百二十九期 白子場 六里一甲離城百二十九期

石阪場 八里一甲離城百二十九期 走馬岡 九里一甲離城百二十九期

鳳山舖 九里一甲離城百二十九期

祥里

會龍場 一里一甲離城百二十九期 接龍場 十里一甲離城百二十九期

大路崖 二里一甲離城百二十九期 石阪場 三里一甲離城百二十九期

鳳凰場 三里一甲離城百二十九期 新市鎮 六里一甲離城百二十九期

埡口場

六甲離城百五十里

白碕鎮

九甲離城百五十二里

太平場

十甲離城百四十五里

太和場

十甲離城百五十里

正里

蔡家場

二甲離城五十二里

龍家場

三甲離城百四十二里

金剛鋪

七甲離城五十二里

土主場

八甲離城八十二里

興隆場

四甲離城百三十六里

高灘鋪

七甲離城九十二里

直里

佛圖關

一甲離城十里

石橋鋪

一甲離城三十里

兩路口

一甲離城三十里

高店子

二甲離城五十里

含谷場

四甲離城七十里

涼風埡

四甲離城四十五里

白市驛

五甲離城六十二里

龍鳳場

六甲離城八十二里

曾家場

七甲離城六十四里

虎溪場

九甲離城八十二里

按巴境地廣濶縱橫千餘里越嶺渡澗離城窈遠
 日用所需取給場鎮日中為市以有易無民咸便
 之第蜀有奸匪名曰啞嚙猛如豺虎鷲若鷹鷂往
 往場鎮中結黨肆毒小則酗酒打降大或搶掠傷
 人兼有拒捕傷差估童淫婦墟市不寧愚氓畏懼
 或暗結兵役為羽翼有所恃而不恐或潛居坊店

為窩巢探消息以盤踞欲淨根株殊乏良謀惟清
 理鄉場舖店毋使容留嚴束奸詐兵役絕其援引
 在鄉責令約保在場責令頭人遇此等囑匪協力
 擒拏到官重賞若致遠颺必倍其罰庶場鎮可清
 人樂安堵矣

驛遞

陸站

朝天驛

在朝天門內附郭衝站前明沿革無考
 朝康熙十九年額設驛丞一員站馬二十三

匹每匹日支草料銀一錢馬夫十一名半每名日
 支工食銀八分歸併重慶府管理康熙二十年裁
 馬十三匹裁馬夫六名半康熙四十五年驛丞缺
 裁改設南川縣典史驛務歸併巴縣管理康熙五
 十一年裁馬四匹裁馬夫二名安設梓潼縣本驛
 存站馬六匹每匹日支草料銀六分歲共支草料
 銀一百二十七兩四錢四分遇閏加增馬夫三名
 每名日支工食銀四分八釐歲共支工食銀五十
 兩零九錢七分六釐遇閏加增歲共支棚厰槽劉
 銀八兩五錢二分康熙二十一年額設損夫十六
 名每名日支工食銀一分二釐康熙五十一年裁
 損夫四名安設打箭爐本驛存損夫十二名每名

百支工食銀二分雍正十年裁

白市驛

在縣西北六十里赴成都衝站康熙十九年額設驛丞一員站馬十八匹隨報一匹倒斃止

設馬十七匹馬夫八名半草料工食同前康熙二十年裁馬七匹裁馬夫三名半新收隆昌縣撥補

馬二匹馬夫一名康熙四十二年調撥馬六匹馬夫三名安設名山縣康熙四十五年驛丞缺裁改

設榮昌縣典史驛務歸巴縣管理本驛存站馬六匹每匹日支草料銀六分歲共支草料銀一百二十七兩四分八釐歲共支工食銀五十五兩零九錢七分

六釐遇閏加增歲共支棚廠槽鑄銀八兩五錢二分康熙二十年額設損夫十六名工食同前康熙

五十二年裁損夫四名安設榮經縣本驛存損夫十二名每名日支工食銀二分雍正十年裁

溫湯驛

在縣西北一百里往陝西僻站康熙十九年額設站馬六匹隨報倒斃一匹止設馬五匹

馬夫二名半康熙二十八年裁馬一匹馬夫一名康熙五十一年全裁康熙二十一年額設

十名康熙五十一年裁損夫二名安設打箭爐本驛存損夫八名今裁

白節驛

在縣南八十里往貴州雲南僻站康熙二十一年額設馬三匹馬夫一名半康熙五十一年

裁安設梓潼縣康熙二十一年額設損夫八名今裁

鐵山驛

即土沱驛在縣東北一百里往湖廣衝站康熙十九年額設驛丞一員馬十匹馬夫五名

工食草料同前康熙五十一年裁

冷水驛

在縣東南六十里往貴州僻站康熙十九年額設馬五匹馬夫二名半康熙二十一年裁

水站

在城水驛

前明縣屬設輪船二十八隻沿革無考國朝康熙十九年設四橈站船四隻六橈

站船四隻水手十六名橈夫四十名每名日支工食銀二分康熙二十八年裁六橈船一隻水手二名橈夫四名添補合州裁汰四橈船一隻水手二名橈夫四名本站止存四橈船三隻六橈船三隻水手橈夫共四十二名康熙四十七年裁四橈船一隻六橈船一隻在站止四橈船二隻六橈船二隻水手十二名橈夫二十九名今全裁 附造修例小修四橈船每隻銀二兩九錢二分二釐六橈船每隻銀三兩八錢一分大修四橈船每隻二兩零四分二釐五毫六橈船每隻四兩三錢四橈船長五丈濶四尺拆造每隻銀二十一兩一錢五釐六橈船長六丈濶六尺拆造每隻銀二十五兩三錢一分五釐

銅確水驛

在縣西南一百二十七里大江北岸今裁

魚洞水驛

在城西南六十里大江南岸今裁

木洞水驛

在城東九十里大江中填水驛久裁雍正九年設立巡檢一員

按渝州東控荆襄西衛錦里北聯沔漢南接牂牁在昔戎馬交馳之際制撫軍移節於茲徵兵調將運餉授機水路則星流風駛陸路則雲轉翼飛所以速置郵而預期會厥惟驛站為急若朝天白市溫湯白節土沱冷水之陸驛在城及銅確魚洞木洞之水驛驛各有丞有馬有船有損夫有水手厥制畢備今則惟朝天白市兩驛馬十有二而已餘俱裁汰恭逢

盛世永靖蠻煙羽檄稀疎四郊無警 制撫駐節錦
 官靜鎮兩蜀巴渝鎮道守令循成法以撫兵民無
 水陸奔馳之繁故昔有驛而今省其制者權乎時
 也今雖省而猶存其名者不淹古也興廢何常良
 規可考俯今仰古存乎其人至若稽芻牧均勞逸
 察疲乏警圍人無失督郵掌監之職以速乃公事
 惟守土者留意焉

鋪遞

原額

查前明巴縣地方例設四十七鋪司兵一百四
 十五名工食多寡不等府門司兵八名每名歲
 支銀十兩江北等十四鋪每鋪司兵三名佛圖等
 七鋪每鋪司兵五名蒙溪鋪司兵四名以上每名
 歲支銀八兩二錢南城等八鋪每鋪司兵三名每
 名歲支銀七兩二錢鴛鴦等八鋪每鋪司兵二名
 每名歲支銀五兩三錢背峰等八鋪每鋪司兵二
 名每名歲支銀三兩六錢歲共支銀一千零五十
 七兩八錢遇閏加增銀
 八十七兩五錢五分

經制

查康熙六十年川督年羹堯奏稱直隸各省皆
 設舖司川省兵燹之餘未經請復公文係付塘
 兵傳遞偏僻州縣里民輸送不能如式包護擦損
 印封甚至失遺無可尋究請於衝途每舖設司兵
 四名次衝設三名偏僻設二名每名月支銀六錢
 部議准設其工食銀兩照廣西例每名月支工食

銀三錢五分巴縣議次衝雍正元年八月內底舖
及四路共設四十九舖司兵一百七十四名知縣
周仁舉以每名三錢五分不敷工食通融辦理將
原報舖遞四十九處併作二十九舖實設舖司兵
六十二名每名月支銀九錢歲共支銀七百三十
兩八錢雍正六年三月內奉文盡行裁革公文仍
交塘兵遞送乾隆二年少詹隋人鵬奏稱革除舖
司概用塘兵遞送公文於邊省尤屬不宜請復設
舖司以重郵傳知縣王裕疆於原報四十九舖外
詳添六舖底舖及四路共五十五舖司兵一百五
十九名每名月支工食銀五錢歲共支銀九百五
十四兩遇閏加增銀七十九兩五錢奏銷各舖原
冊俱按十里詳報與實
在里數不符核正於左

底舖衝路

巴縣次衝城內接遞五路公文照
衝路例設舖司一名舖兵三名

東路次衝

由底舖三聖殿五里至江北白廟五里頭
塘十三里尖山十二里二塘十三里一

水十二里沙坪十里苟溪十里土沱十里相見舖
十里分水十里大灣十里遠灣十里石盤十里梅

溪十五里欄垭十五里張關十里三角舖十里石
崖十里沙溪交長壽縣界共二十舖司兵六十名

南路次衝

由底舖五里至黃葛十里曹坝十里青崖
十里苦竹十里冬青十里大窩十里鷄公

舖十里白節交綦江縣界
共八舖司兵二十四名

西路次衝

由底舖十里佛圖舖十五里石橋二十里
二郎二十里白市十七里鳳山十七里走

馬舖交璧山縣界共
六舖司兵十八名

西北路次衝

由底舖十里至佛圖關十里龍坎十里
白崖十里石道十里金剛十里高灘十

里八廟十里青木十里打鐵舖十里溫湯十里伏
虎十二里七塘十里蠻子舖十里八塘十二里新

市十三里九塘交合州界
共十五舖司兵四十五名

東南僻路

由底舖十五里至背峰十五里倒座舖十五里梅壩十五里冷水十五里木洞二十

里長延坪二十三里峰門二十二里天賜殿交南川縣界共七舖司兵十四名

按舖舍乃周官遣人之制廬有供室有委所以速傳命而便往來古意尚已蜀山岡險峻舖遞維艱速停轉滯督理須善巴舖五十有七道里衝僻詳著於冊製囊護損厥制畢備若有力者師周官之遺意新路室豐委積不致虛糜稍食俾今之制無異於古幸甚

關隘

鐵山關

古關縣東北一百里仁里二甲山勢高聳北抵鄰水南連銅鑼峽綿亘二百餘里關口踞

山脊之壘上下石磴紆盤關內舊設有土沱驛又名鐵山驛

張關

古關縣東北一百八十五里仁里六甲山勢雄峙有古石寨二元末土寇張坤氏竊據於

此大為民害明初平之下關十五里至沙溪抵長壽縣界餘詳山類

銅鑼關

古關縣東北三十里義里五甲鐵山左旋塗山右抱俱陡立江岸石崖攢鎖一水中穿乃

渝州水路門戶峽口能守則不虞上水舟師昔人曾於此設欄江鐵鎖並水榭餘詳峽類

黃葛壩

隘口縣東南十里廉里七甲渡江自海棠溪板石磴而上峭削入雲憑高俯下全城虛實

都收眼底所關非細

鹿度關 一名玉峽口縣東南一百五十里忠里十甲
兩山夾束迴環交錯一水中穿曲折而下鑿
林傍崖馬難竝蹄竟日行乃出
峽峽口如磬口耳真要隘也

雙寨關 古關縣東南二百里節里十甲山高五里上
有古寨二老松千章皆凌雲合抱斬木守寨
可以拒南川及正
安州一帶奸匪

分水嶺 隘口縣南一百四十里廉里四甲交綦江界
山高十餘丈綿亘三十餘里嶺脊控漢凌雲
鳥道一線騎山脊而屏障之可無綦
江桐梓仁懷等處奸徒北擾之患

南平關 古關縣南渡江十里孝里一甲石壁峭削磴
路攀雲明天啟年奢賊叛重慶石柱女土官
秦良玉領兵扼南平關絕其歸路
即此通志在縣南一百五十里誤

佛圖關 古關縣西十里智里三甲渝城三面抱江陸
路惟佛圖關一線耳壁立萬仞磴曲千層兩
江東東如帶實為咽喉扼要之區佛圖能守全城
可保無恙關門石墻舊規宛在餘詳十二景

二郎關 古關縣西四十里智里一甲自車畧舖沿石
磴而上五里許抵山巔復傍崖曲折行萬仞
深壑一門壁闕斯又
為佛圖之鎖鑰云

龍洞關 古關縣西五十五里直里四甲在白市驛坡
上坡陡五里許關踞山堦現有石洞門石墻
自佛圖至此三關疊障守者得人皆可
以一丸塞縱西路有警渝州未易窺也

高店 隘口縣西北四十里直里一甲石路陡峭盤
五里而上高鄰歌樂山北俯嘉陵南連龍洞
此處置守則水
陸可相為犄角

青木關 古關縣西北一百里正里八甲寶峰山口寶
峰上接縉雲直抵嘉陵下連虎峰至於岷江
綿亘二百餘里其通成都驛路龍洞關出壁山之
玉兔山為一要隘走銅梁合州以達川北則青木

關為一
要隘耳

溫湯峽

水隘口縣西北一百二十里祥里十甲縉雲山與禪崖寺山兩相夾東江水一線渝州而

上川北而下舟楫必由
此峽亦西北之門戶也

華瑩山大菴

隘口縣北二百六十里山高二十餘里界連巴合岳鄰四縣向多流匪私挖礦

觴移駐右營守備於山右之大菴移順慶通判於
山左鄰水之大溪口用以彈壓巡緝往來奸徒實

為北鄙扼
要重地

陽

關

通志在縣東後漢延熙中車騎將軍鄧芝為江州都督治此今無考

石英鎮

通志在縣東南按宋有石英鎮明有
石英里今無考或即今之懷石里與

太洪江鎮

通志在縣東一百里明置巡司
今裁按在縣東一百五十里

扶桑埧

通志在縣東宋建炎三年元將不花等
攻重慶守將張珪與戰於扶桑埧即此

按設關所以禦暴而因地制宜察出入或興或

廢貴在相時恭逢

盛世昇平蠻烽無警鄉井恬若關隘徹而不閉矣然

安不忘危治不忘亂聿考地利用存舊章巴之關

水若銅鑼峽陸若佛圖二郎南平青木張關等處

均要害地昔人設險良有深意其他山壩谷口凡

屬要隘竝宜扼塞此時雖無大憝巨慝跳梁作奸

保無流棍嚙匪潛藏滋害宜於各關隘嚴防密察

異服必呵奇言必詰俾出入不至無忌則奸宄消
 於未萌矣然因地利者次也堅心德者上也一九
 可封萬夫或失其道何與

津梁

津渡

岷江上游

黃碾渡

縣西一百四十里智八
甲渡船一通江津米口

甕垣沱

縣西一百二十里智八
甲渡船一通江津米口

太平渡

縣西一百一十里
慈二甲渡船一銅確驛
縣西一百里
慈四甲米口

白沙沱

縣西九十里智六甲渡
船一通江津綦江米口

五里渡

縣西七十里智
六甲渡船一伏牛渡
縣西六十五里
智六甲渡船一

魚洞溪

縣西南六十里孝二甲渡船二由魚洞溪
轉江四十里至九甲箭灘河渡船四通忠

孝廉節各里甲米口

大渡口 縣西四十里智二甲米口

閣老溪 縣西三十里智二甲渡船一通江津米口

河高崖 縣西十五里智二甲渡船二慈智二里米口

三道口 縣西九里智一甲渡船十 黃葛渡 南紀門對岸孝一甲渡船八孝十甲

忠六七甲廉一 海棠溪 儲奇門對岸渡船十二廉七甲通廉

八九十甲孝七八九甲忠二 四甲節一二三四甲米口

龍門浩 太平門對岸廉七甲渡船七 玄壇廟 岷江南岸廉七甲渡船四

彈子石 岷江南岸廉七甲通廉里米口 東山坪 朝天門對岸

嘉陵江上游

炭墳渡 縣西一百三十里祥八甲渡船一通合州米口

澄江口 縣西一百一十里祥八甲渡船五通合州并祥里依來鄉旱路米口

下溪口 縣西一百五里祥八甲渡船五祥里七八九甲米口

東陽鎮 縣北一百里禮三甲渡船十對河白碛場通梁灘坦米口

大土沱 縣北八十五里禮十甲渡船四通正里蔡家場及本里靜觀場米口

獅子口 禮三甲渡船五 彭家渡 縣西八十里正禮三甲渡船五

雞關渡 縣西七十五里正二甲渡船二通正里三四五六七甲米口

井口鎮 縣西七十里正二甲渡船三通祥里中梁灘米口

白崖鎮 縣西三十里直一甲渡船三十三通璧山銅梁及縣屬祥正直禮義五鄉米口

石門季家渡

縣北二十里禮一甲渡船一

上關

江北岸

鄆家渡

江北岸船三十一

鶯花渡

江北岸

羅伽渡

江北岸船二十一

寶蓋渡

江北岸船二十

魯班渡

江北岸船二十八

大江下游

漑蘭溪

縣北八里義十甲渡船二柴米口

寸灘

縣北十八里義五甲渡船九柴米鐵鍋口

黑石子

縣北二十五里義五甲通石柱場等處米口

朝陽渡

縣北三十里義五甲渡船六米口

魚嘴沱

縣東八十里仁一甲渡船三通本甲一二三四甲米口

木洞鎮

縣東一百里仁九甲渡船八通南川涪州竝節里仁里米口

太洪江

縣東一百五里仁五甲渡船二通本里一三四甲米石毛鐵草紙青靛入大江

廢口子由太洪轉江五里至梅溪鎮舊有官渡久廢雍正年間里人捐置船隻田房作渡夫工食

山梅溪上五里至溫塘溪渡船四上通義里古路坪場下通桶井米石草紙青靛口子由大崖

湖上五里至輓子灘渡船二上通隣水下通桶井係本甲明月場一帶出米口由輓子灘上二

雷十里至稱鍾口有橋梁無渡船交隣水長壽界俱屬太洪轉江渡口屬仁三甲

麻柳嘴

縣東一百七十里仁七甲渡船二對岸樂磧鎮通南川涪州米口

沙溪渡

縣東一百九十里仁五甲渡船二通本里一二三甲及木洞并長壽米口

按巴網絡雙江漫漶瀆瀑縱際沍寒亦駭漫漭矧
當春霽漲綠炎竅流洪商颺怒鼓陽后騰掀電激
雷响霄分壤隔脫野渡之無人徒臨流而浩歎招
招舟子載詠卽須檣清旭耀斜陽或商或佃以泝
以沿物土於鄉貨貿於市惟舟之渡利涉攸往至
於鄉里以米爲貨易其所無者肩雲蹄霧登岸問
津故渡口爲聚米之場負戴歸舟航之湊津渡所
關詎不重與然利源弊藪因倚相生或橫索於中
流或貪多而重載戰浪衝風行者慄股又或有穿
窬伏莽浥露宵行河上逍遙漫無盤詰甚或貪遺
受賂置觸藩之羝縱出柙之兕奸宄游奕爲害實
大至近城渡口利百於鄉弊更叢雜勗哉守土有
利必導無弊不清俾行道絕迷津之嘆宵小杜行
險之踪政和民悅用汝作舟庶克有濟

大邑...
 受...
 寶...
 寶...
 寶...
 寶...

橋梁

城內

遇仙橋

治東東水門內巴字坊

響水橋

治南鳳凰門內靈壁坊

香水橋

治北洪崖門內源出泮池

會仙橋

治西華光坊

九塊橋

治西金湯門內金湯坊

天生橋

治西金湯門內金湯坊

觀音橋

治西南紀門內太善坊

蹇家橋

治北臨江門內臨江坊

關廂

太平橋

治南仁德和廂

望江橋

治西南紀廂

太平橋

治西定遠廂

石洞橋

治西望江廂

承恩橋

治西洪崖廂

板

治北千斯廂上下板橋二

開鼓橋

江北西水廂

江北鎮

三洞橋

鶯花廂

下石橋

鶯花廂

廖家臺

鶯花廂

楊家溪橋

石梁廂

櫻桃溪橋

金沙廂

忠里

萬壽橋

石牛灘有欄蓋

高灘橋

俱縣南高灘河

梁家橋

縣南二甲趙家灣有碑

平灘橋

縣南三甲平灘河

新場橋

縣南三甲高灘河有碑

馬灘橋

縣南六甲馬灘河有欄蓋

觀音橋

縣南九甲高灘河有欄蓋

費家橋

縣南十甲費家河有欄蓋

孝里

獨龍橋

玉溪橋

俱縣南二甲青石溪

觀音橋

縣南三甲清水溪

二龍橋

縣南四甲余家溪

苦竹橋

縣南五甲花灘河有碑

萬壽橋

縣南六甲梅溪河明萬曆李作楠建

重修有碑

白節橋

縣南七甲白陽河

康家橋

縣南十甲分水壩有碑

廉里

白楊橋

青苔橋

萬壽橋

俱縣南三甲青苔河萬曆年建

龍灘橋

縣南四甲龍灘溪

興龍橋

縣南四甲青苔河有碑

石橋

縣南五甲小石溪

永壽橋

縣南六甲流水溪有欄

雙會橋

縣南六甲韓家溪

雞鳴橋

縣南六甲殺鹿溪

長壽橋

縣南六甲杜家溪有欄

回龍橋

縣南七甲石洞溪由此上塗山

龍潭橋

縣南大沙溪通木洞南川大道萬曆

二十二年建碑載藝文

觀音橋

縣南七甲石洞溪

化龍橋

縣南七甲清水溪

觀音橋

縣南七甲海棠溪

十洞橋

縣南八甲雷家溪

長生橋

縣南九甲油榨河

升恒橋

縣南九甲梅溪河碑二

廣濟橋

縣南九甲跳墩溪

永濟橋

縣南十甲螺螄洞天啟七年建

萬年橋

縣南十甲螺螄河萬曆十九年建

節里

洞平橋

縣東南一甲有碑

三元橋

縣東南二甲長灘河

新橋

縣東南三甲有欄蓋

教化橋

縣東南四甲古碑二

永恒橋

縣東南五甲萬曆八年建有碑

平灘橋

縣東南五甲古碑三

錫灘橋

縣東南五甲上通南川下至木洞

五渡橋

縣東南六甲

石廟橋

縣東南七甲

丫溪橋

縣東南七甲有碑

磨灘橋

縣東南八甲有碑

白鶴橋 縣東南九甲

太平橋 縣東南十甲

仁里

劉家橋 縣東一甲長楊溪有碑

捲洞橋 縣東三甲徐家溪

滾灘橋 縣東三甲滾子灘溪

長灘橋 縣東三甲長灘河有碑

仙女橋 縣東三甲仙女堰有碑

永定橋 縣東三甲磨刀溪引治十五年建有碑

碑

虎跳橋 縣東三甲虎跳溪

桶井橋 縣東三甲桶井達溫塘溪有碑

溫塘橋 縣東三甲溫塘溪

行祠廟橋 縣東三甲小虎溪萬曆元年建

雙溪橋 縣東一百四十里三甲雙溪口
欄杆橋 縣東三甲楊家溝有碑

東河橋 縣東三甲礮七十五有碑

雙龍橋 縣東四甲洲溪有碑

觀音橋 縣東四甲馬踏溪有碑

長生橋 縣東六甲沙溪

王家橋 縣東六甲沙弓溪

永興橋 縣東木洞溪明嘉靖三年建有碑

龍化橋 縣東十甲

義里

會水橋 縣北一甲劉家河

觀音橋 縣北二甲二十一洞

萬壽橋 縣北二甲箭口

龍門橋 縣北三甲龍門溪

平橋 縣北四甲芍溪河

官濟橋 縣北梅子溪有欄亭

安順橋 縣北五甲段家溪有碑

萬壽橋 縣北五甲石盤溪有碑

天心橋 縣北五甲 梅子溪

肇源橋 縣北六甲 肇源溪 嘉靖年建有碑

治平橋 縣北六甲 跳石河 乾隆二十二年重修 知縣王爾鑑製引有碑

觀音橋 縣北六甲 磨子溪 明萬曆四年建

鴛鴦橋 縣北六甲 寸灘 賽墩橋 縣北七甲 乾溪

謝家橋 縣北八甲 洗脚溪 石平橋 縣北八甲 乾溪

禮里

凌家橋 縣北一甲 水自鵬嘴崖發源十五里至 溉蘭溪入江 乾隆二十一年新建有碑

通順橋 縣北二甲 石河溪 萬曆二十年建

永鎮橋 縣北三甲 張家溪 有欄蓋 羅應橋 縣北三甲 鄭家溪 崇禎十三年建

孫公橋 縣北五甲 鄧家溝 有欄蓋 鹿山橋 縣北五甲 雷家溪

續麟橋 縣北五甲 葉家溪 崇禎九年碑存

天生橋 縣北五甲 金劍溝 有欄蓋 歐陽橋 縣北六甲 東河 崇禎六年建有碑

古佛橋 縣北六甲 東河 利濟橋 縣北六甲 東河 有碑

劉家橋 縣北六甲 東河 永定橋 縣北六甲 東河

四恩橋 縣北六甲 東河 有碑 永興橋 縣北六甲 滾溪

坂橋 縣北六甲 石佛溪 有欄蓋 大善橋 縣北六甲 東河

長壽橋 縣北六甲 九坎溪 石印橋 縣北七甲 石子溝

洋石橋 縣北七甲 洋石溝 苦竹橋 縣北八甲 石子灘

仙躋橋

縣北八甲靜觀寺前有欄蓋
萬曆四十八年補修有碑

迴龍橋

縣南八甲仙躋橋溪
萬曆四十七年建

天成橋

縣北八甲天心河水源自華釜下亭溪有
欄蓋郡人龍為霖於乾隆九年倡修有碑

迴龍橋

縣北九甲東
河正德年建

永濟橋

縣北十甲麻柳溪
萬曆己未年建

智里

上石橋

縣西一甲
石橋堰溪

下石橋

縣西二甲
魚溪浩

車歇橋

縣西三甲石
壁山溪澗

柳市橋

縣西四甲
九盤子溪

至善橋

縣西四甲
麻地溝

玉龍橋

縣西四甲
麻地溝

觀音橋

縣西四甲
侯家溪

太平橋

縣西十甲
磨刀溪

慈里

石洞橋

縣西一甲
石洞河

萬壽橋

縣西一甲
馬家灘

梅子橋

縣西二甲
梅子河

萬古橋

縣西二甲
水車溪

長生橋

縣西四甲范
溪河有碑

廖家橋

縣西一百十四
里五甲蔡家河

長生橋

縣西五甲
蔡家河

八龍橋

縣西六甲
平灘河

萬勝橋

縣西六甲平
灘河有碑

清溪橋

縣西七甲
清溪河

桑溪橋

縣西八甲桑溪
河隆慶二年建

捲洞橋

縣西九甲
游家河

祥里

會龍橋

縣西北
一甲

登榮橋

縣西北四甲萬
曆三十五年建

壽龍橋

縣西北五甲

高灘橋

縣西北七甲

天星橋

縣西北十甲

太平橋

縣西北十甲

正里

李家橋

縣北一甲清風灘

虎溪橋

縣北三甲虎跳溪

永順橋

縣北四甲流水溪

龍鳳橋

縣北七甲金剛坡溪洪武年建

高灘橋

縣北七甲梁灘河有碑

萬壽橋

縣北七甲梁灘河

順天橋

縣北七甲梁灘河

巨虹橋

縣北八甲梁灘河有碑

梁灘橋

縣北九十里十甲梁灘河

直里

剪桐橋

縣西一甲萬年溪弘治癸亥年蕭惠書建

雙龍橋

縣西一甲金壁溪

荔支橋

大楊公橋

小楊公橋

俱縣西一甲荔支河有碑

童家橋

縣西一甲白崖鎮

登雲橋

縣西一甲鳳凰溪

茶店橋

縣西二甲清水溪

含谷橋

縣西二甲含谷河

轉洞橋

長生橋

俱縣西五甲洗馬河

賽銅橋

縣西五甲馮家堰

雙河橋

縣西六甲雙溪河

廣濟橋

縣西六甲沙溪河

閔家橋

縣西六甲閔家河

喻家橋

縣西六甲鹽井河

梓潼橋

縣西六甲關防溪

廣遠橋

縣西七甲沙溪河萬曆四十二年建

大定橋

縣西七甲南橋溪嘉靖四年建名鳳仙橋雍正三年重修更今名

沙溪橋

縣西九甲沙溪河

三多橋

縣西九甲虎溪河

按除道成梁利行役也巴山峰齒立溪帶腸盤隔岸霄分匪橋莫濟微特通衢孔道蹄足雜稠卽小市遐陬擔柴負米踵接肩摩洎寒冰涸鼓柅難通褰裳堪病及春霑湧波商飈騰湧觀茲石頽清澗板斷曉霜煙水迷濛霄池渺若通川澤之險阻平道路之崎嶇載在古典亦垂令甲鄉有善士以時修治或獨力或衆擎德累銖寸功積億千不愈於飾土木而侈金碧者乎作興鼓舞司土責也昔成今造備著於冊輿梁徒杠聽政以之若韻士騷人臨流攄藻朱雀彩虹未始不可助筆底之瀾翻云

謝道謝道未亦亦理未故不不親學高之壽壽
 今豈辭善領冊與紫卦珠羅類以之昔贈士人
 贈士太師封金縣香平卦與趙縵拓土青曲昔丸
 謝道短謝道短謝道短謝道短謝道短謝道短謝道短

水利

忠里

竹灘堰

一甲自碑
堰引水

高灘堰

一甲自平
灘河引水

龍興堰

二甲自固城山
紅崖下引水

朱家堰

二甲自紅崖
龍興泉引水

蔣溪堰

四甲自大
堰口引水

葉溪堰

張溪堰

五甲俱自樵
坪山引水

何溪堰

七甲自樵
坪山引水

西山堰

七甲自孝里劉
家山泉引水

孝里

龍井堰

二甲自翔
鳳山引水

清水溪堰

三甲自木
納槽引水

老龍泉堰 三甲自韓家山引水

洗脚溪堰 五甲自趙家塢引水

龍家堰 五甲自官灘河引水

鹿子堰 六甲自白雲山三分溪引水

龍井堰 六甲自龍井山引水

苟溪堰 八甲自金子山引水

龍家堰 九甲自長灘河引水

分水堰

龍井堰 十甲俱自桃塢山引水

廉里

西山堰 四甲自團山子引水

何家堰 四甲自龍頭溪引水

灘子堰 四甲自龍灘溪引水

芹菜溪堰 五甲自燕尾山引水

高規堰 六甲自小茶溪引水

龍潭堰 七甲自仰天窩引水

雷溪堰 八甲自楊家溝引水

黃沙堰 八甲自木納槽大井引水

龍井堰 八甲自木納槽引水

欄馬堰 十甲自跳墩引水

節里

陳泉堰 一甲自一井泉引水

張家堰

夏家堰 二甲俱自漢武堂引水

楊塢堰 四甲自樵坪山引水

感應洞堰 五甲自長洞引水

張五堰

馬欄溝堰 七甲自石鼓臺溪引水

大圍堰 七甲自大圍山溪引水

李家堰 九甲自天生橋引水

洞子堰 九甲自茶坪引水

柏楊堰 十甲自茶坪山柏楊溝引水

鄧家堰 十甲自芭蕉灣引水

仁里

大灣泉堰

五斗埧堰 一甲俱自古 鐵山引水

小沱子堰 一甲自天 臺山引水

石梁堰 一甲自小沱子泉 引水分灌鐮尖堰

及葉孟余 宋四姓堰

龍洞泉堰 二甲自古 鐵山引水

張家堰

陳家堰 二甲俱自老 龍洞泉引水

水口溪堰 三甲自貓 兒塘引水

小虎溪堰 三甲自大 灣坡引水

仙女泉堰 三甲自本 泉引水

大井泉堰 三甲自本 泉引水

漱口井堰 三甲自辜寨 坪山引水

辜家堰

打錫溝堰 三甲俱自聖 卦山引水

貓兒堰 三甲自貓 兒山引水

龍王堰 三甲自麻柳 沱引水

保斯堰

鄒家堰

槐花溝堰

仙女堰 三甲俱自仙 女泉引水

廖家堰 三甲自大 井泉引水

柏樹林堰

石板堰 三甲俱自放 水溪引水

高灘堰 三甲自永 定溪引水

陳家堰 三甲自辜家泉引 水通東花溝及潘

陳龔毛 等九堰

劉家堰 三甲自貓兒泉引 水通李家二古堰

潘家堰 三甲自龍王泉引 水通樊家二堰

汪家泉堰

濫井泉堰 四甲俱自張 關山引水

胡家泉堰

石笋泉堰 四甲俱自石 笋山引水

濫坦泉堰 四甲自華
峰山引水

大灣堰 四甲自石
笋泉引水

松林堰 四甲自松
林泉引水

劉家灣堰 四甲自濫
坦泉引水

胡家堰 四甲自石
笋泉引水

白石溪堰 五甲自牛
心山引水

魚洞沱堰 五甲自羊
霍山引水

鄧家堰 五甲自魚
洞沱溪引水

沙弓溪堰 六甲自太
鱗山引水

清溪堰 七甲自五
柯山引水

辜家溪堰 七甲自龍
岡山引水

鄧家溪堰 八甲自白
蓮寺山引水

楊家溪堰 九甲自觀
音崖引水

响水溪堰 十甲自紫
雲山引水

莫家堰

張家堰 十甲俱自九
龍山引水

義里

煨金坪泉堰 甲本泉引水
通鄰水秤鐘口

王家溝堰 一甲自聚
蓮山引水

楊家堰

王家堰 二甲俱自風
門壩溪引水

張家堰

梁家堰 二甲俱自老
鷹崖引水

盧家堰 二甲自福
洞引水

大竹林堰

大柏樹堰 三甲俱自東山
引水分灌徐田

唐黃袁
五姓堰

楊家堰 四甲自苟
溪引水

任家堰 四甲自玉
瓶山引水

十二拐堰 四甲自尖
山壩引水

牛心泉堰 五甲自本
泉引水

劉家堰 五甲自陡溪溝引
水通楊家古堰

葉家堰 七甲自祈
雨山引水

古井堰 十甲自牛
心壩引水

禮里

石版堰 二甲自刁嘴崖引水

新堰 三甲自金山引水

溝堰 六甲自東山引水分灌石梯堰保鳳堰崖脚堰芋荷堰源歷堰松樹堰山口堰大茨

堰杉樹堰水竹堰箐箕堰青泉堰元樹堰松樹堰大風堰冉家堰後灣堰挖瓢堰苦竹堰石版

堰葉杏堰龍拖堰柏楊堰莫家堰天堂堰雙堰石坝大堰老猪堰龍興堰高規堰柏楊堰

高洞子堰 六甲自鄧家溝引水

中溪堰 六甲自華瑩山引水

核桃堰 六甲自倒坐崖引水

象鼻堰 六甲自西山引水分注柿子堰石橋

草堰 茅堰

瑪瑙溝堰

磁瓦溝堰 七甲俱自西山溪溝引水至分水溝懸規分注

柏林堰

洋石堰 七甲俱自西山引水

渠堰 八甲自西山中文溝引水東流分渠十一道第一三五六十北灌本里八甲第二四

里七甲均古堰 南灌本

三台堰 八甲自三台山下引水共堰四道上

三道南灌尾堰 北灌俱古堰

古堰 八甲有二自明星山海印寺前引水

龍洞堰 八甲自東山引水

荔支堰 九甲有二俱自東山溪溝引水

柏楊堰 九甲自東山溪溝引水分注鎖口堰風門堰偏崖堰東森堰五路口堰橫垣山堰中

堰高家堰

黃家堰 十甲俱自西山引水

月菴堰 十甲自月菴山引水

林橋堰 十甲自灘子口溪引水

古峰堰 十甲自古峰山溪引水

智里

下橋堰 一甲自石橋舖引水

丁槽堰 三甲自石壩山引水

仙女洞堰 三甲自石壩山口洞引水 兩盆溪堰 五甲自籬子山引水

鄧家堰 六甲自打龍灣引水 木水堰 七甲自仰山引水

磨刀溪堰 十甲源出白市驛至磨刀溪懸規引水

慈里

廖家堰 一甲自石洞河引水 井泉堰 二甲自太平山下引水

凉水泉堰 三甲自仙女山引水 冉家堰 六甲自古洞山引水

吳家堰 七甲自文風山引水 張家堰 七甲自江津冉家冲引水

五谷家堰 七甲自文風山引水 荷滿渠下流合清溪河

朱家堰 七甲自文風山引水 楊家堰 七甲自文風山右引水

任泉堰 十甲自太慈寺山下引水 龍泉堰 十甲自龍洞山下引水

祥里

李石溪堰 一甲自青水關引水 羅溪堰

張溪堰 二甲俱自虎耳山引水 龍家堰 二甲自向家溝引水

黑水堰 二甲自鐵家溝引水 梁五道下流入澄江口

流水崖堰 三甲自崖上龍井泉引水 周家堰 三甲自五顯山引水

陽菴堰 范家堰 三甲俱自銀鼓山引水

趙溪堰 四甲自寶峰山溪引水 劉溪堰 五甲自縉雲山引水分注魏家堰

伍家堰 五甲自寶峰山引水 張溪堰 六甲自風垓山溪引水分注印家溪

堰周家溪堰 甘家堰 六甲自縉雲山引水

大林寺堰 七甲自大林山溪引水 魚灘河堰 八甲自秀峰山溪引水

老堰 八甲自秀峰山引水分注施家溪老堰溪

范溪堰 八甲自縉雲山引水分注大空溪堰

獅子堰 八甲自縉雲山引水分注源灘堰

歇馬溪堰 十甲自縉雲山溪引水 太平堰 十甲自太平橋引水

正里

觀音泉堰 一甲自觀音山下引水 清涼泉堰 一甲自清涼山引水

流水溪堰 四甲自龍井泉引水 亭子溪堰 七甲自亭子山引水

金剛溪堰 七甲自金剛坡引水 三空溪堰 九甲自三空溝引水

溫泉堰 七甲自寶峰山右引水

直里

金壁溪堰 一甲自歌樂山引水 龍洞泉堰 一甲自慶峰山引水

龍井泉堰 一甲自雲峰山西槽引水入祥二甲流水崖

仙女溪堰 二甲自含谷填引水 冷水溪堰 二甲自歌樂山引水入茶店河

龍泉堰 二甲自歌樂山引水入冷水溪 段家堰 二甲自仙女溪引水

淨慈泉堰

四甲自寶輪山引水

慈雲溪堰

官房溪堰

六甲俱自多子山引水

雲泉堰

八甲自虎峰山引水

按巴邑兩江穿繞岸高水深利通舟楫而灌溉缺焉此外鱗比皆山無湖澤陂沱可以謀水利惟是山多則泉多滙而成溪又滙而成河穿雲架梘引歸繡陌則石竇靈湫點滴皆珠璣也有遊惰者棄而不之收將使玉液瓊漿徒泛泛然鳴林響澗漱石流煙而已此有源之水非堰無以引之其無源可引者惟多鑿池塘收帝臺之餘漿用備雨暘愆期放水灌溉所謂以人力補造化所不及者且有塘斯有荷有菱有芡有魚蝦厥利甚普夫有泉無堰者棄有益為無益也鑿塘蓄水者收無用為有用也巴之堰指不勝屈擇其古且巨者一百八十二著於冊至舊塘五百八十七新塘一千七百一十九附數於此弗再臚列若補舊增新俾堰與塘均歸有濟盡力者在民利導者在官官民交惕永久勿壞亦養民之要道與

陵墓

周

巴子陵

通志在縣西北五里有石獸石龜各二石麒麟石虎各一卽巴國君陵今無考

巴蔓子墓

治西通遠門內雍正間郡守張光鏞修立碑表之後地乾隆二年縣民周尚義

捐修砌以石

宋

狀元馮時行墓

紹興時狀元縣東魚嘴沱石崖上有南平老人墓去此五十步相傳

卽狀元墓或云水葬無考

狀元蒲國寶墓

紹熙時狀元縣西蒲坎墳

明

吏部尙書贈太師諡忠定蹇義墓

縣北鳳居沱正德十年諭葬胡

淡撰墓誌銘

駙馬蹇芳墓

鳳居沱忠定公義少子未婚卒公主亦天永樂四年奉勅合葬

翰林院侍讀學士江朝宗墓

縣西北大林山下蔣雲漢撰墓表

贈禮部尙書驛丞劉剛墓

縣西梁相村李東陽撰神道碑銘

贈禮部尙書御史劉規墓

梁相村楊廷和撰墓表

禮部尙書諡文簡榜眼劉春墓

縣西劉家廠嘉靖十八年諭葬楊廷

和撰墓誌銘

陝西叅政江玠墓

縣西北亭溪高現臺左

雲南巡撫都御史劉世曾墓

縣柳市里蹇萍撰墓表

湖廣巡撫兵部尙書趙可懷墓

縣西十七里有神道碑

戶部給事中曹汴墓

巡按御史汪言臣墓

江北鎮大嵐壇有墓道碑

吏部郎中胥從化墓

縣東山玉皇觀下有誥命碑

大理府知府馬麟墓

縣東北昭陽下中窰左有誥命碑

解元劉綜墓

梁相村王應熊撰墓表

左都督鄧玘墓

縣西九嶺壇有神道碑

孔北泉墓

縣西北北碚萬曆二年碑
題東魯遺徽名爵無考

孝友陳龍橋墓

走馬岡有神道碑

皇清

鎮國將軍鶴麗鎮總兵鄒九疇墓

縣西石壁山有神道碑

江西巡撫劉如漢墓

縣西獨橋子

潮州府知府龍為霖墓

江北居仁埧

按太上不朽立德與功生無可紀歿則已焉苟風流之歌絕斯零落於山耶巴自蔓子以忠顯過其墓者感歎浩氣英風山峙水流與為終古焉蒲而下或以勲業或以文章要皆歿有餘思第自奢獻頻躡邑志家乘蕩焉無存故家舊族有訪其子孫而不得者又安知其祖宗之靈脉依於何所茲就可稽者著於篇雖山河邈若風韻常留庶此都人士過墟生哀猶仰鄉先生之遺澤更代弗湮云

寺觀

城內

崇因寺

在治北宋熙寧初建明正德十一年重修

康熙四年邑人劉如漢重修牌坊第一山

三字相傳蘇東坡書天順二年鐘鑄渝城八景

治平寺

在治北宋治平開建康熙五年總督李國

英重修乾隆十七年因前殿圯改建龍神

五福宮

在治西北開創建無考明末寺圯康熙庚

辰總兵韓成重修殿左右壁有明成化間

藥王廟 在西湖池側一名飛仙觀後有藥王祠石崖上鐫福地洞天四字康熙七年總督李

建國英

藏經閣 在西湖池岸一名古佛崖明嘉靖元年建康熙四十八年重修有前明楊升菴諸公

詩碑五成都守冀應熊題選佛場額

東嶽廟 在治東北明嘉靖開建有明御製碑讚載漢唐宋明各詔封年號

土主廟 在南紀門內明正德乙亥重建祀唐刺史趙延之有碑

東華觀 在治南明天順七年正德十一年重修有唐宋御製碑讚

報恩寺 在東水門內 三聖殿 在儲奇門內山崖崇禎十三年建

華光樓 在華光坊 十王殿 在東嶽廟左明嘉靖開建

朝天觀 在治東北 玄天宮 在治北小十字

報國寺 在小教場 紫霄宮 在金紫門內

觀音崖 在太善坊十八梯 洪廟 在大教場

娘娘殿 在東嶽廟後嘉靖十三年建 三元廟 在朝天門內即陝西會館

萬壽宮 在東水門內即江西會館 準提菴 在東水門內即江南會館

禹王廟 在東水門內即湖廣會館 列聖宮 在儲奇門內即浙江會館

天后宮 在朝天門內即福建會館

關廂

觀音寺 萬曆十四年建 紫林菴

給孤寺 俱在臨江門外

大佛寺

文覺寺 有望江樓碑文入藝文

玄壇廟

寶善寺 俱在南紀門外

紫雲宮

鎮江寺 俱在干斯門外

圓通寺 在太平門外

普濟寺

朝陽閣 俱在東水門外石崖上

江北鎮

一陽觀 在一陽廂明正德七年建

寶蓋寺 在瑞峰山嘉靖年建乾隆丁卯邑人

李為棟撰有悟音石洞碑載藝文

毘盧寺 正德六年建

三山廟 俱在寶蓋廂

水府宮 在虎頭山崇禎元年建

水月菴 在鳳凰山俱在落伽廂

魯班廟 在金沙廂

地藏寺

潮音寺 俱在石梁廂

觀音閣 在木關

忠里

洪福寺 在一甲葑盆山創自唐代有碑

高灘寺 在一甲葑盆山

玉皇觀 在一甲清水坪

旃檀寺 在三甲岳家山

白雲寺 在三甲鬼獅崖

銅鼓寺 在四甲石馬山下明弘治十六年建

雲峰寺 在五甲樵坪山

神君殿 在六甲神君山上

佛坪寺 六甲萬家山

高洞寺 六甲高洞崖

朝天觀 八甲玉皇觀山堡

玉皇觀 九甲老君山

仙足寺 九甲老虎崖石上有仙人足跡寺冊移建山下易名妙緣菴溪水環抱竹木清幽

覺林寺 十甲大礦山

孝里

玉皇觀 一甲三峰山明正德間建嘉靖二年重慶衛指揮陳武重修碑存

觀音閣 一甲佛坪山下

登雲寺 一甲雲臺山左舊有龍頭廟碑字剝

羅漢寺 二甲翔鳳山又有石硃廟俱明嘉靖中建

毘盧寺 二甲突起山高峰下有碑 雲篆寺 二甲雲篆山佛座下鐫有成化九年

四字

馬駿寺 二甲固圍山有碑 蹇家觀 三甲牛心山明萬曆四十四年生員

傳汝霖有碑山上舊有白羊寺基址 寶和寺 四甲來暮山

禮通寺 四甲來暮山又寶和寺左有碑字剝

溫泉寺 五甲建禹山下明萬曆五年修碑剝寺前溫塘二

沙岡廟 六甲白雲山下羅公寺右有碑 仙池寺 七甲燕尾山左有碑

石龍寺 八甲觀音山下碑剝左有金銀寺右有梅壩寺

玉皇觀 九甲明月山 高崖寺 九甲寨子山下萬曆四十年修

金山寺 十甲三品山碑剝萬曆年建 鐵佛寺

龍會寺 俱在來鳳山碑剝

廉里

虎頭寺 二甲文家山

聖燈寺 二甲聖燈山寺後石筍一株高二丈

餘前石燈一座明萬曆三十八年置鐘碑存

石柱寺 三甲雲攀山

圓通寺 四甲七星山第七峰上

顯靈寺 五甲牛心山

觀音寺 六甲一在萬壽山一在柏楊坎

真武宮 七甲真武山寺中有萬曆中張稽古竝吳禮嘉遊塗山詩碑

玉皇觀 七甲東山

大佛寺 七甲東山麓創建無考明永樂十九年重修

碑存

覺林寺

七甲蓮花山下宋紹興開建明末燬於兵康熙二年僧雪痕重建乾隆二十二年僧

月江復增修山門蓮池亭子橋梁石塔

禹王廟 七甲塗山下有碑載藝文

洪福寺

八甲雲浮山明嘉靖三十九年建邑人曹泮王應熊俱有石刻

節里

興隆寺

一甲龍岡山明萬曆八年建

金紫寺 一甲金紫山

迎龍寺

一甲倒坐山本名倒坐廟知縣袁錫夔易今名

桐井寺

一甲倒坐山明崇禎六年建

明月寺

一甲明嘉靖丙午年建

海會寺

一甲寺後有古塔二

漢武堂

二甲漢武山明嘉靖丙午年建

天成寺

三甲蕉坪山

觀音寺

三甲寺前有古坊崇禎七年建

迴龍寺

三甲崇禎七年建

壽尊寺

三甲有坊崇禎四年建

廣福寺

四甲蕉坪山崖石坊書雲浮勝景福地名山創建無考明弘治時碑及閣部王應熊

對聯
猶存

白沙寺

五甲白沙山有碑

金華菴

五甲金華山里人文甫卿施廟基糧田有碑

復興寺

六甲白廟山萬曆二十一年建

清華菴

六甲天井坪

東嶽廟

六甲東嶽山

紹興寺

七甲天井坪碑剝

荔枝寺

七甲有碑

雲峰寺

八甲鳳凰山萬曆八年建

復心寺

八甲天井坪康熙三年知縣張柎題復心禪林額

寶藏寺

八甲寶藏山明萬曆三年建

九華寺

九甲九華山

曇華菴

九甲曇華山萬曆三年建康熙九年知縣張柎題慈雲廣覆額

觀音寺

十甲洪武二年建

白雲寺

十甲

仁里

三甲

觀音寺

五甲

仰山廟

連珠寺

石佛寺

俱在一甲龍寨山

紫雲寺

一甲在野豬崖

霞峰寺

一甲霞峰山

鹿城寺

一甲淦家坪山

淨土寺

一甲淦家坪山有崇禎七年碑

天台寺

一甲天台山

龍藏寺

二甲龍腦山創建無考相傳建文帝曾隱此有碑

雙龍菴

二甲石壁山有碑

觀音寺

二甲古鐵山天順年建嘉靖四十年

重修有倪氏功德碑

桓侯廟

二甲佛耳香爐山下

佛會寺

二甲龍腦山天涼灣有萬曆三十一年碑

高村寺

三甲小城寨山有萬曆二十四年碑

龍羽寺

三甲龍羽山

太平寺

三甲辜寨坪有明崇禎十年辜姓孝

義碑

龍泉菴

三甲一名羅漢寺在葑叉山萬曆丙

申年

石翔寺

三甲石翔山嘉靖十八年建

波慈寺

三甲石翔山

觀音寺

三甲桶井場天啟五年閣部王應熊

換碑入藝文

太虛寺

三甲石航場有碑

石筍寺

四甲石筍山明萬曆十三年建

清涼菴

四甲野貓山有碑

圓容寺

四甲張關山有碑二

玉皇觀

五甲龍岡山正德九年建

隆福寺

六甲妙峰山宋淳熙初名五通堂明萬曆甲申重修更名隆福

白蓮寺

七甲龍岡山原名婦月宮正德十三年建天啟中邑人王應熊題曰白蓮寺

冬青寺

九甲飛鳳山

慈光寺

九甲木洞

觀音閣

九甲木洞中垣成化九年建

關帝廟

九甲木洞中垣萬曆三年建

紫雲寺

十甲紫雲山碑剝

九龍寺

十甲九龍山碑剝

興福寺

十甲騎龍山舊名玉皇觀乾隆丙子重修易興福寺

義里

法濟寺

一甲紫金山碑載狀元劉洪章解元劉泗相建明嘉靖元年重修

雲臺寺 一甲紫霞山鐘鑄萬曆十三年置碑記

古峰寺 二甲古峰山有碑 圓通寺 二甲石筍山有碑

靜隱寺 二甲青雲山 普照寺 二甲翠峰山

白雲寺 二甲花崖山 佛慈寺 三甲佛慈山隆慶辛未建萬曆三年

階州知州王廷宣重修有碑 普照寺 四甲清泉山

朝陽寺 四甲玉屏山 牛心寺

白鶴觀 俱在五甲牛心山 玉皇觀 五甲石城山弘治十二年碑載建自

唐代天啟四年重修 迴龍寺 六甲印盒山

翠雲寺 七甲翠雲山詳古跡多功城 寶善寺 七甲鳳嶺山有碑

玉皇觀 七甲祈雨山 石佛寺 八甲白兔山有碑

毘盧寺 八甲寶蓋山有碑 古峰寺 八甲雙鳳山

崇因寺 八甲臥龍山 石壁寺 八甲龍頭山

圓覺寺 在九甲青雲山 白雲寺 九甲潮音山

九龍寺 九甲九龍山嘉靖年建碑殘 梵音寺 十甲鐵峰山有雲山八景

永福寺 十甲牛心山

禮里

崇德廟 一甲龍頭山 南峰寺 一甲雨台山萬曆丙辰年建碑剝

慈雲觀 一甲古木山洪武初名天神堂成化間更為地藏寺嘉靖時為觀音閣至萬曆三十

五年重修名
慈雲觀碑存

大雲寺 二甲大雲山嘉
靖四十五年建

白馬寺 二甲萬曆
年建有碑

香國寺 二甲飯峰山萬曆
四十四年建郡守

陳邦器題第一名山
有荔枝龍眼二樹

禪巖寺 三甲西山坪成化
四年建有鮮與尚

燈記碑南範和尚
八景詞入藝文

雙龍寺 四甲大龍山明
天順七年建

萬壽寺 四甲萬壽山
洪武年建

金劍廟 五甲金劍山嘉靖
年建隆慶時改建

於嶺後
有碑

淨居菴 五甲九峰山有鐘
銘萬曆二年建

戴雲菴 五甲龍會山
萬曆元年建

光明寺 六甲大華鑿山殿
宇七層創建無考

明成化二十一年嘉靖二十八年俱重修康
熙十年原任湖廣參政王璉置香火田地

曇花寺 六甲小華鑿山建始
無考崇禎三年重修

大菴西堂 六甲花耳山
景泰元年建雲峰寺 六甲西
來山

得龍廟 六甲白雲山嘉
靖三十三年建觀音寺 六甲中峰山
萬曆六年建

靜覺寺 六甲鳳翅山
成化年建瑪瑙觀 六甲中峰山正德
八年萬曆四年俱

重修古
碑三

塔坪寺 六甲古藏山宋紹
興間建乾道庚申

重修有塔七層高十丈有奇
明萬曆十五年重修古碑二

淨觀寺 八甲一名慶壽寺宋乾道間建明永樂
萬曆俱重修有淨福碑二重修碑二

地藏寺 八甲普濟山
崇禎九年建復興寺 八甲月鳥山嘉
靖四十八年建

迴龍寺 九甲中嘴萬
曆九年建集真寺 十甲龍會山萬
曆四十年建

八廟 十甲朶雲山崇禎
十三年建碑剝

智里

五龍廟 一甲鳳凰山萬曆辛卯年建有碑

關帝廟 三甲佛圖關石崖鐫萬曆庚子年劉綬詩二首

華巖寺 三甲待漏山因洞得名始創無考萬曆己亥里人楊益僧無權重修僧破山海明聖可德玉柱錫皆能詩有瞿塘山人余价碑記

川主廟 四甲雙山有碑 能仁寺 四甲觀音崖山有碑

曲水寺 四甲龍潭山宋神君殿明衛國禪林有邑人王應熊劉道開詩

東嶽廟 五甲團山頂崇禎十二年碑 金鰲寺 六甲金鰲山建始無考元至元明萬

曆崇禎節次重修邑人多讀書其中有十載金鰲九進士之謠劉道開有記

白雲寺 六甲龍泉山洪武初里人周繼斌施田地為僧舍掘土得石有白雲寺三字宋徽宗

年號嘉靖二十五年重修 石林寺 六甲石林山有八景詩

天池寺 七甲仰山萬曆十三年置田碑存

華藏寺 九甲華藏山嘉靖十八年碑載建自元時名三教堂明更名華藏

慈里

石洞寺 一甲黃龍山成化二十年建 九龍寺 一甲九龍山

圓通寺 二甲佛聚山 雲鳳山 三甲雲鳳山石坊前書萬壑千峰後

書崇應立臺萬曆二十六年立有成化年御史劉規撰記及正德二年尚書劉春都察院劉臺湖廣學使劉起宗等碑 玉皇觀 四甲龍腦山大殿前有天池殿宇六

層成化元年建成化十六年銅確驛丞楊洪重修驛左亦有玉皇觀萬曆二十九年御賜額曰通天都府

真武宮 四甲真武山

玉鳳寺 五甲玉山

古洞寺 六甲古洞山成化九年建有石額前

鑄古洞禪林後鑄第一名山

靈芝寺 六甲靈芝山相傳有丹鳳啣芝故名

有隆慶二年碑

廣勝寺 九甲鳳凰山石坊書萬古招提天啟

五年立

文昌宮 九甲龍鳳山

太慈寺 十甲太慈山萬曆乙卯年置田碑存

土主廟 十甲龍開山萬曆四十四年建

祥里

溫泉寺 一甲寶峰山宋元豐間高僧誌公會掛錫歲久寺圯明宣德間重建引治十年邑人

侍讀學士江朝宗有碑人藝文 天竺寺 一甲種錢山寺前有雌雄石如錢形

弘治十四年碑紀宋淳熙嘉定年間皆有誌銘年久剝落成化丙戌年重修

土主廟 在一甲分水嶺 獅子菴 二甲石佛二嘉靖三十二年建

興山寺 在二甲虎耳山萬曆三十一年修

玉皇觀 三甲石山嶺舊名石佛寺康熙間改今名

容臺寺 四甲鏡子山 崇興寺 五甲寶峰山萬曆甲寅年建

蓮華寺 五甲甘家 智燈寺 六甲平山堡寺前

許上有石盞傳 係佛燈因各寺 大林菴 七甲大林山萬曆二十二年左有老

林右有崇風皆古寺

石華寺

七甲縉雲山石照峰上有成化年碑

寺後石筍瘦削高十丈餘拔地而立

崇教寺

八甲縉雲山劉宋景平元年建唐乾

符元年重修賜額相思寺景炎四年勅賜崇教寺明正統癸亥重修

溫泉寺

八甲溫塘峽寺後詳泉類

朝陽寺

八甲秀峰山

觀音寺

八甲秀峰山洪武年建有碑

永興寺

八甲依來鄉宋紹興十年建明正統

開重修有天順四年邑人江朝宗碑剝

正里

新開寺

一甲新開山隆慶五年碑

天台寺

一甲石竹山碑剝

玉皇觀

地藏寺

一甲

雲臺觀

三甲雲臺山嘉靖十二年修山前有福寧寺碑剝

正覺寺

三甲嘉福山洪武年建邑人曹沐有碑

觀音堂

三甲龍頭山有雲峰寺四甲雲天啟六年燈記

普照寺

東林寺

七甲明珠山

福善寺

八甲古名資福菴碑存山環水遶寺極幽靜

佛現寺

八甲豐文山右成化十年建萬曆庚辰邑人監察御史詹朝用題豐文勝境佛現名

山八字石坊

海會寺

九甲古書山宋紹熙間建明弘治六

年重修有碑二

普禪寺

十甲佛宇山有天啟甲子年燈碑

佛因寺

十甲五雲山萬曆二十九年重修碑存

直里

寶輪寺

一甲龍隱山白崖鎮宋治平間建明成化十一年重修有萬曆時邑人周宗武碑大

殿左危崖竦立有觀音閣

文昌宮

一甲金壁山成化十七年重修

慶峰寺

一甲慶峰山

寶華寺

一甲雲峰山

白雲寺

二甲朝陽山自南宋時建成化至崇禎年俱重修有碑

聖燈寺

二甲聖燈山洪武年建

圓覺寺

四甲他停山

仁壽寺

四甲涼風山

正覺寺

四甲寶洪山成化己丑年重修

淨慈寺

四甲寶靈山有碑

慈雲寺

六甲多子山有邑人王應熊題

川主廟

六甲虎峰山宋乾德中建明永樂至萬曆俱重修有邑人王應熊王輔二碑

迴龍寺

七甲大迴龍山

南橋寺

七甲古陰山有宋時勅建碑明嘉靖

隆慶重修

蓮花寺

七甲伏龍山

雲頂寺

八甲歌樂山弘治嘉靖俱重修

中峰寺

八甲中峰山自唐代明洪武萬曆俱

重修有碑

福興寺

八甲猴山

虎峰寺

八甲虎峰山有萬曆十四年石坊

龍柱寺

九甲金劍山

桃竹寺

九甲桃竹山嘉靖元年重建

按巴無里不山無山不寺自城遠鄉禪林道院幾不勝書二氏之學儒者合非之第生齒日繁兼包竝育羽流釋子亦屬編氓况紺宇琳宮多倨名山

擅勝水騷士文人登臨憇息憑眺謳吟閒有黃冠
 白足習靜棲真亦耽幽涉趣之不可少者無惑無
 佞存乎其人豈必燬地焚書乃不逃於仙佛之說
 雖然深林邃谷左道潛藏是又不可不防其漸矣

巴縣志卷之三

賦役

邑令王爾鑑熊峰纂修

邑人周開豐梅厓校閱

賦役志

丁糧舊額

明原額稅糧六萬三百七石二斗九升八合九勺九
 抄五撮

人丁一萬四千九百二十六丁

夏稅起運布政司廣濟庫荒絲米二百四十八石九

斗六升七合五勺每石折絲一觔共絲二百四十
 八觔一十五兩九錢四分八釐每觔折銀五錢共
 銀一百二十四兩四錢八分三釐七毫五絲遇閏
 加銀一十兩三錢七分三釐六毫五絲一忽加增
 銀六十兩三錢七分二毫九絲八忽九微七塵五
 纖 本庫米二千七百六石五斗每石折銀五錢
 共銀一千三百五十三兩二錢五分 本庫地畝
 綿花一千九百五十九觔一十五兩四錢八分每
 花四觔折布一疋每疋折銀二錢四分五釐九毫

六絲三忽二微二塵五纖六沙共銀一百二十兩
 三分

秋糧起運工部料米二千二百八十三石二升一勺
 八抄五撮每石折銀五錢共銀一千一百四十一
 兩五錢一分九絲二忽五微 加增漆硃芽茶銀
 二十二兩五錢 松潘倉米一千六百四十石每
 石價脚銀二兩二錢共銀三千六百八兩 永鎮
 倉米五百七十五石每石價脚銀二兩六分共銀
 一千一百八十四兩五錢 小河倉米一千五百

三十五石每石價脚銀一兩六錢共銀二千四百五十六兩 葉棠倉米一千五百三十五石每石價脚銀一兩五錢五分共銀二千三百七十九兩二錢五分 乾溪倉米一千五百石每石價脚銀一兩二錢一分二釐五毫九絲七忽五微共銀一千八百一十八兩八錢九分六釐二毫五絲 成都廣豐倉折色米六千四百六石每石折銀四錢共銀二千五百六十二兩四錢 撥運成都廣豐倉本色米七千八百九十一石每石折銀四錢共

銀三千一百五十六兩四錢 本倉撥解石阡府哨兵折色米一千四百八十五石每石折銀四錢共銀五百九十四兩 貴州豐濟庫米一萬一千五百一十五石一斗二升每石折銀三錢共銀三千四百五十四兩五錢三分六釐 本庫布米九千七百三十二石每石折銀四錢共銀三千八百九十二兩八錢 永寧倉秋米六千八百一十三石每石折銀三錢五分共銀二千三百八十四兩五錢五分 本府廣濟倉米二千九百四十一石

六斗九升一合三勺一抄每石折銀六錢共銀一
 千七百六十五兩一分四釐七毫八絲六忽 本
 府儒學倉米七百石每石折銀七錢共銀四百九
 十兩遇閏加銀四十一兩一錢二分 存留本縣
 儒學倉米三百六十石每石折銀七錢共銀二百
 五十二兩遇閏加銀二十兩八錢二分五釐 豐
 盈倉米四百四十石每石折銀六錢七分七釐九
 絲九微一塵共銀二百九十七兩九錢二分

戶口原編銀七百一十二兩二錢七分八釐六毫

起運布政司戶口銀六百六兩一錢七分遇閏加
 銀五十七兩九錢九分七釐五毫四絲六忽 撥
 運本府戶口銀八十二兩六錢三分四釐遇閏加
 銀七兩二錢九分九釐三毫 存留本縣戶口銀
 二十三兩四錢七分四釐六毫遇閏加銀一兩七
 錢七分八釐四毫六絲八忽
 驛傳原編銀七千一百八十二兩九錢七分三釐一
 毫二絲八忽 起運布政司傳銀四百九十二兩
 二釐 撥運本府傳銀五千五百三十二兩七錢

一分四釐八毫二絲八忽遇閏加銀九十四兩二錢九分六釐一毫八絲三忽 夔州府傳銀一千一百五十八兩二錢六釐三毫

丁糧額辦均徭原編銀四千四百二十一兩九錢六分八釐六毫四絲五忽九微六塵遇閏照例加徵起運布政司甲丁二庫銀二百七十兩 南京庫皮銀二百六十兩 殷實盤纏銀六十兩 富戶銀六兩 白蠟價銀二百一十八兩四錢 重慶衛軍需銀六十一兩六錢五分一釐 蜀府祭葬

銀五兩 舉人牌坊銀九十兩 布政司柴薪一十二名每名銀一十二兩共銀一百四十四兩遇閏加銀一十二兩 馬夫二名每名銀四十兩共銀八十兩 加增進士牌坊銀三十五兩六分二釐八毫九絲 按察司柴薪一十六名每名銀一十二兩共銀一百九十二兩遇閏加銀一十六兩 馬夫二名每名工食銀四十兩共銀八十兩 撥運本府柴薪一十三名半每名銀一十二兩共銀一百三十七兩九分九毫九忽八微遇閏加銀一

十一兩四錢二分四釐二毫四絲 馬夫三名每名銀四十八兩共銀一百四十四兩 應朝水手銀一十二兩 本府門子一十四名每名銀六兩三錢共銀八十八兩二錢遇閏加銀七兩二錢 弓兵一十四名共銀五十兩五錢五分三釐八毫四絲六忽一微六塵遇閏加銀四兩二錢四分六釐一毫五絲三忽八微五塵 禁子八名每名銀七兩二錢共銀五十七兩六錢遇閏加銀四兩八錢 廣濟倉斗級三名每名銀七兩二錢共銀二十一兩六錢遇閏加銀一兩八錢 本府儒學門

庫廟夫十名共銀七十二兩遇閏加銀六兩 教官二員原編馬匹草料銀二十五兩二錢遇閏加銀二兩一錢 稅課司巡攔二名每名銀三兩六錢共銀七兩二錢遇閏加銀六錢 代編黔江縣柴薪銀三十八兩四錢 代編酉陽齋夫銀一十二兩 存留本縣春秋祭祀銀七十二兩六錢六分鄉飲酒銀一十六兩 歲貢盤纏銀二十二兩五錢 本縣柴薪九名每名銀一十二兩共銀一

百八兩遇閏加銀九兩 馬夫四名每名銀四十

兩共銀一百六十兩 應朝水手銀二十四兩

門子五名每名銀七兩二錢共銀三十六兩遇閏

加銀三兩 弓兵二十二名每名銀七兩二錢共

銀一百五十八兩四錢遇閏加銀一十三兩二錢

預備倉斗級四名改設倉吏紙劄工食銀五十五

兩二錢遇閏加銀四兩 院司道兩學租穀查盤

紙劄鋪倉簞簾浥爛等費工食銀一十四兩四錢

羈候所禁子工食共銀四兩四錢 庫子一名每

名銀七兩二錢共銀一十四兩四錢遇閏加銀一

兩二錢 禁子八名工食銀六十四兩八錢遇閏

加銀五兩四錢 儒學齋夫銀七十二兩膳夫銀

五十兩 門子庫廟夫七名工食銀五十兩四錢

遇閏加銀四兩二錢 大洪江弓兵一十二名共

銀六十四兩八錢遇閏加銀五兩四錢 察院看

司三名每名銀七兩二錢共銀二十一兩六錢遇

閏加銀一兩八錢 分守二道看司三名每名銀

五兩二錢共銀一十五兩六錢遇閏加銀一兩三

錢 禹王廟府館蹇馬二祠看司四名每名銀三兩六錢共銀一十兩四錢遇閏加銀一兩二錢
府門舖司兵八名每名銀一十兩江北等一十四舖每舖三名佛圖等七舖每舖五名蒙溪舖四名以上每名銀八兩二錢南城等八舖每舖三名每名銀七兩二錢鴛鴦等八舖每舖二名每名銀五兩二錢背峰等八舖每舖二名每名銀三兩六錢以上通共四十七舖司兵一百四十五名各支工食不等共銀一千五十兩六錢遇閏加銀八十七兩五錢五分
渡夫原編停溪東陽車盤清溪梅溪五渡渡夫各一名朝天四名龍門白節白岩竹溪等渡渡夫八名各支工食不等共銀八十二兩八錢遇閏加銀八兩一錢
鄉賢劉蔣李趙蹇各宦瑩夫六名每名銀七兩二錢共銀四十三兩二錢遇閏加銀三兩六錢
儒學馬夫草料銀二十一兩六錢遇閏加銀一兩八錢
鐵山高岩車歇梅溪竹溪看司五名每名銀四兩五分共銀二十兩二錢五分遇閏加銀一兩六錢八分七釐五毫

民壯原編八百七十九名共銀六千三百二十八兩
八錢遇閏照例加徵 撥運本縣操兵四百六十
四名每名銀七兩二錢共銀三千三百四十四兩八
錢遇閏加銀二百七十八兩四錢 本府各廳民
兵八十二名每名銀七兩二錢共銀五百九十兩
四錢遇閏加銀四十九兩二錢 裱褙匠二名共
銀一十四兩四錢遇閏加銀一兩二錢 存留本
縣民兵應役走差吹鼓坊廂等役三百二十八名
共銀二千三百六十一兩六錢裱褙刷印匠二名

算手一名每名銀七兩二錢共銀二十一兩六錢
遇閏加銀一兩八錢

夫馬原編夫三百四十四名馬八十匹輪船二十八
隻共銀三千八百九十四兩四錢遇閏照例加徵
撥運巡道燈夫五名每名銀三兩六錢共銀一十
八兩遇閏加銀一兩五錢 存留本縣募夫船夫
三百三十名每名銀七兩二錢共銀二千三百七
十六兩遇閏加銀一百九十八兩 召募拽船燈
籠夫九名每名銀三兩六錢共銀三十二兩四錢

遇閏加銀二兩七錢 輪船二十八隻修船銀一

十八兩 應遞馬八十匹每名匹銀一十八兩共

銀一千四百四十兩遇閏加銀一百二十兩

公費原編銀九百一十九兩二錢七分七釐八毫六

忽五微 撥運巡道油燭棹衣銀二十四兩 本

府表箋憲書銀五十六兩五錢二分二毫七絲七

忽五微 存留本縣公費銀八百三十八兩七錢

五分七釐五毫二絲九忽

雜辦課程起運魚課銀一十兩七錢七釐八毫九絲

三忽遇閏加銀九錢七分九毫八絲二忽 魚油

水脚銀六十一兩六錢五分九釐八毫七絲二忽

遇閏加銀一兩七錢五分七釐一毫二絲八忽

商稅銀二兩四錢九分六釐三毫遇閏加銀二錢

八釐五絲五忽

帶徵重慶衛屯糧本色米二千八百七十三石四斗

二升五合內折色米二千八百七十三石四斗二

升五合每石折徵銀三錢共銀八百六十二兩二

分七釐五毫 建武所屯糧本色米一千五百二

十石折色米二百二十八石每石折銀三錢共銀六十八兩四錢

以上各款查照舊時全書開載缺額無徵

現額

皇清康熙六年奉行清查起至雍正七年徵輸止

上田每畝載糧七合四勺六抄

中田每畝載糧六合五勺二抄八撮二圭

下田每畝載糧五合五勺九抄六撮一圭

中地每畝載糧二合一抄二撮三圭

下地每畝載糧一合七勺二抄四撮七圭

每糧一石徵糧銀六錢七分九釐六毫三絲一忽

一微六塵五纖五沙三渺

每糧一石徵條糧銀二錢六釐八毫八絲二忽四

微一塵三纖二沙五渺

每糧四石四升四勺一抄九撮三圭三粒五粟載

丁一丁

每丁徵銀二錢六釐八毫八絲二忽四微一塵三

纖二沙五渺

原載稅糧八千五百二十七石八斗二升一合七勺八抄七撮九圭六粒三粟四末

原載人丁二千一百一十丁六分二釐七毫八絲九忽

原載丁條糧銀七千九百九十六兩六錢八分一釐五毫五絲七忽七纖於雍正七年奉文丈量

恩准部覆丁條糧合併積算按畝徵銀清出田地至乾隆九年止今自乾隆十年起至乾隆十九年徵輸

止除

藉田四畝九分不徵丁糧外新舊承糧花戶楊維芳等共一萬三千九百七十一戶墾輸

上中下田地共二萬六千一百一十二頃七十八畝

四分九釐七毫內

上田四千三百三頃四十三畝八分二釐五毫

每畝徵丁條糧銀六釐九毫九絲五忽三微六塵七纖

應徵丁條糧銀三千一十兩四錢一分二釐九毫九絲二忽五塵九纖

中田三千五百八十六頃二十三畝九分三釐七毫

每畝徵丁條糧銀六釐一毫二絲一忽六微三纖

應徵丁條糧銀二千一百九十五兩三錢五分三釐

三毫六絲八忽六微一塵一纖

下田六千七百六十一頃九十二畝一分八釐八毫

每畝徵丁條糧銀五釐二毫四絲七忽五微五塵

應徵丁條糧銀三千五百四十八兩三錢五分七釐

四絲九忽四微八塵五纖

中地四千六百八十二頃五十一畝三分四釐三毫

八絲

每畝徵丁條糧銀一釐八毫八絲六忽九微六塵

七纖

應徵丁條糧銀八百八十三兩五錢七分四釐八毫

三絲三忽四微五塵六纖

下地六千七百七十八頃六十七畝二分三毫二絲

每畝徵丁條糧銀一釐六毫一絲七忽二微八塵

應徵丁條糧銀一千九十六兩三錢一釐七絲三微

九塵一纖

現徵丁條糧銀一萬七百三十三兩九錢九分九釐

三毫一絲四忽二纖於康熙九年奉文加徵閏銀

查照舊時全書核算每兩該徵閏銀二分四釐一

毫七絲二忽七微三纖二沙一渺遇閏之年照例

加徵

乾隆二十三年編審

現編人丁一萬五千六百三十八丁

盛世滋生戶口八百九十八丁永不加賦

存留

一本縣舊額春秋二祭

文廟及山川社稷各壇祠原編銀四十八兩因錢糧不

敷於康熙十一年十一月內奉文為祭祀

國之大典等事案內請給春秋祭祀銀一十六兩於

康熙五十年正月內奉文於本縣地丁銀內扣留

備祭又

武廟春秋二祭銀一十六兩於雍正五年八月內奉文

為知會事案內照例每年於本縣地丁銀內扣留

備祭又於乾隆八年十一月內奉文爲咨覆事案內於祭祀銀內酌撥銀二兩致祭厲壇

一本縣廩生原額二十名每名歲支餼糧銀九兩六錢遇閏加銀八錢因錢糧不敷原未領支於康熙二十四年八月內奉文爲

聖治當重熙等事案內廩生餼糧請復三分之一每名歲支銀三兩二錢共銀六十四兩遇閏每名加銀二錢六分六釐六毫六絲六忽六微六塵四纖於康熙五十年正月內奉文於本縣地丁銀內扣留

支給又本府致祭

文廟春秋祭祀銀一十六兩又廩生餼糧銀一百二十八兩遇閏加增銀一十兩六錢六分六釐六毫六絲六忽五微六塵俱於本縣地丁銀內扣解年終造冊奏銷支剩銀兩解貯

布政司庫聽候撥支

一本縣舊額應遞馬五十匹每匹連草料鞍轡雨具人夫工食銀一十八兩輪船二十八隻修船銀一十八兩因錢糧不敷本縣併屬之朝天白市溫湯

白節四驛共設馬三十四匹每匹歲支草料銀三十六兩馬夫一十七名每名歲支工食銀二十八兩八錢損夫五十名每名歲支工食銀七兩二錢六橈船四隻四橈船四隻水手一十六名每名歲支工食銀二十八兩八錢橈夫四十名每名歲支工食銀一十八兩於康熙二十三年奉文爲驛遞之差使甚少等事案內照安徽之例馬每匹日支草料銀六分夫每名日支工食銀四分八釐損夫每名日支工食銀一分二釐水手橈夫照江南之

例每名日支工食銀二分於康熙二十八年奉文

爲

題明事案內裁馬一匹馬夫半名六橈船一隻四橈船一隻水手橈夫一十四名於白市驛添馬三匹馬夫一名於康熙四十一年奉文爲公務事案內裁馬一十二匹馬夫六名於康熙四十七年奉文爲船隻朽壞等事案內裁六橈船一隻四橈船一隻水手橈夫一十四名於康熙五十年奉文爲敬陳黔屬等事案內裁馬八匹馬夫四名損夫十名

於康熙六十一年三月內奉文爲循例請補等事
案內川省有驛馬倒斃照十分補三之例每匹買
補價銀八兩於雍正二年十月內奉文爲請核馬
驛夫役事案內裁革水手橈夫共一十三名於雍
正五年九月內奉文爲水站船隻未收實用等事
案內船隻水橈全裁於雍正六年正月內奉文爲
敬陳管見等事案內川省驛馬棚廠槽鏹每年每
匹支銷銀一兩四錢二分於雍正八年六月內奉
文爲敬陳管見等事案內裁馬三匹馬夫一名半

於雍正十年七月內奉文爲敬陳管見等事案內
損夫四十名全裁實在站馬一十二匹歲支草料
銀二百五十四兩八錢八分馬夫六名歲支工食
銀一百一兩九錢五分二釐倒斃馬四匹歲支買
補價銀三十二兩棚廠槽鏹歲共支銀一十七兩
四分以以上夫馬工料倒斃買補棚廠槽鏹歲共支
銀四百五兩八錢七分二釐於雍正十年十二月
內奉文爲川省驛站竄遠等事案內驛站銀兩於
本縣地丁銀內扣留支給至倒斃馬匹皮臙變價

銀兩解貯

驛傳鹽茶道庫收貯聽候撥支又乾隆二年正月內奉文於運餉請照驛站等事案內餉鞘經過

題定一鞘用夫二名每名百里給銀一錢五分預扣夫價銀二百四十兩如有餘剩仍歸還項倘不敷用於司庫地丁銀內移領又乾隆二年六月內奉文於請復設川省之舖司等事案內設立縣屬底舖江北白廟頭塘尖山二塘碗水沙坪溝溪土沱相見分水大灣老鷄石盤梅溪欄壩張關三角石

岩沙溪黃葛壩壩青岩苦竹冬青大窩雞公白節佛圖石橋二郎白市鳳山走馬龍看白岩稻場金剛高灘八廟青水打鐵溫湯楊家蠻子新市涼風倒座冷水梅壩木洞延坪峰門天賜共五十五舖共設舖司兵一百五十九名每名月給工食銀五錢歲共支銀九百五十四兩遇閏照數加增於乾隆二年十月內奉文爲欽奉

上諭事案內縣屬大江鑽皂青岩猪腸牛頭烏龜觀音巨梁餓鬼黑石鮓人馬嶺共十二灘設救生船二

隻支河石門鑼頭北背大洞共五灘設救生船二隻輪撥應用大江每船一隻水手六名支河每船一隻水手四名共水手三十八名每名月給工食銀六錢歲共支銀二百七十三兩六錢遇閏照數加增於乾隆十五年三月內奉文為遵

旨查明具奏事案內裁支河救生船二隻水手八名共裁船隻水手銀五十七兩六錢存留大江水手三十名每名月給工食銀六錢歲共支銀二百一十六兩遇閏照數加增

歲支

一川東道

原額俸銀一百五兩

額設衙役三十九名內快役十二名門役四名皂役十二名轎傘扇夫七名聽事吏二名舖兵二名每名歲支工食銀六兩共銀二百三十四兩

一重慶府知府一員歲額俸銀一百五兩

額設衙役五十一名內快役二十六名皂役十六名門役二名轎傘扇夫七名每名歲支工食銀六兩

共銀三百六兩

額設倉夫四名每名歲支工食銀六兩共銀二十四兩

額設斗級六名每名歲支工食銀六兩共銀三十六兩

額設更夫禁卒二十六名每名歲支工食銀六兩共銀一百五十六兩

一重慶府同知一員歲額俸銀八十兩

額設衙役二十九名內快役十二名皂役八名門役

二名轎傘扇夫七名每名歲支工食銀六兩共銀

一百七十四兩

一重慶府通判一員歲額俸銀六十兩

額設衙役二十九名內快役十二名皂役八名門役

二名轎傘扇夫七名每名歲支工食銀六兩共銀

一百七十四兩

一重慶府經歷司一員歲額俸銀四十兩

額設衙役六名內門子一名皂隸四名馬夫一名每

名歲支工食銀六兩共銀三十六兩

一重慶府司獄司一員歲額俸銀三十一兩五錢二分

額設衙役二名每名歲支工食銀六兩共銀一十二兩

一重慶府教授一員歲額俸銀四十五兩

一重慶府訓導一員歲額俸銀四十兩

額設衙役四名內門斗二名膳夫二名每名歲支工食銀六兩共銀二十四兩

一本縣知縣一員歲額俸銀二十七兩四錢九分薪

銀三十六兩心紅紙張銀二十兩油燭銀一十兩

傘扇銀二兩於順治十三年十二月內奉文爲錢

糧入不敷出等事案內將薪傘扇銀一十七兩五

錢一分添入俸銀內照滿洲筆帖式哈方例算給

俸銀四十五兩餘銀全裁又於康熙七年六月內

奉文爲請

旨酌省存留錢糧事案內裁去心紅紙張銀五兩復於康熙八年九月內奉文爲請復存留錢糧事案內仍照錢糧入不敷出等事一案裁定之數實支俸

銀四十五兩心紅紙張銀二十兩於康熙十九年十月內奉文爲

題明川省官俸等事案內因軍需浩繁道員以上照例全捐州縣以上半捐半支惟首領佐貳教雜微員仍令全支至大小各官紙紅銀兩全捐外實支半俸銀二十二兩五錢又於康熙二十一年四月內欽頒

恩詔一欵在外交官俸銀着照舊支給實支全俸銀四十五兩

額設衙役一百三名因錢糧不敷止量召募三十七名每名歲支工食銀七兩二錢於順治十三年十二月內奉文爲錢糧入不敷出等事案內每名裁留銀六兩於康熙七年六月內奉文爲請

旨酌省存留錢糧事案內裁去七名復於康熙八年九月內奉文爲請復存留錢糧等事一案仍照三十名因錢糧不敷每名歲攤支二箇月零九日工食銀一兩一錢五分於康熙五十七年六月內奉文爲懇請援復舊例等事案內請照外省衙役工

食之例每名加增銀四兩八錢五分仍照三十七名每名歲支工食銀六兩於雍正五年十二月內奉文爲敬陳管見等事案內裁革燈夫四名存留衙役三十三名每名歲支工食銀六兩於乾隆二年十二月內奉文爲奏

聞事案內裁減皂隸四名實在衙役二十九名內門子二名皂隸一十二名馬快八名轎傘扇夫七名每名歲支工食銀六兩共銀一百七十四兩改設件作三名每名歲支工食銀六兩隨學件作二名每名

名歲支工食銀三兩共銀二十四兩又雍正七年奉文爲欽奉

上諭事案內設立民壯二十名每名歲支工食銀六兩於雍正十三年奉文爲遵

旨議奏事案內每名加增銀二兩歲共支銀一百六十六兩

額設禁卒六名每名歲支工食銀七兩二錢於順治十三年十二月內奉文爲錢糧入不敷出等事案內每名裁留銀六兩因錢糧不敷係本縣自行捐

備於雍正九年五月內奉文為知會事案內添設
 禁卒十二名更夫一十名每名歲支工食銀六兩
 共銀一百三十二兩又於雍正十一年正月內奉
 文為遵

旨據實奏明事案內添設捕役八名每名歲支工食銀
 六兩共銀四十八兩又於雍正九年八月內奉文
 為遵

旨詳議事案內添設斗級二名倉夫四名每名歲支工
 食銀六兩共銀三十六兩

一本縣縣丞一員於雍正八年五月內奉文為知照
 事案內添設歲歷俸銀四十兩

額設衙役十名內門子一名皂隸四名快手四名馬
 夫一名每名歲支工食銀六兩於乾隆二年十二
 月內奉文為奏

聞事案內裁減皂隸二名實在衙役八名每名歲支工
 食銀六兩共銀四十八兩改設件作一名歲支工
 食銀六兩隨學件作二名每名歲支工食銀三兩
 共銀一十二兩又遵照雍正七年奉文設立民壯

六名每名歲支工食銀六兩於乾隆七年奉文裁汰

一本縣巡檢一員於雍正八年五月內奉文爲知照事案內添設照例歲歷俸銀三十一兩五錢二分額設衙役二名內門子一名皂隸一名每名歲支工食銀六兩共銀一十二兩又遵照雍正七年閏七月內奉文設立弓兵一十二名每名歲支工食銀六兩於雍正十三年奉文爲遵

旨議奏事案內裁減六名存留弓兵六名每名加增銀

上篇二兩歲共支銀四十八兩

下篇二兩歲共支銀四十八兩

一本縣典史一員歲額俸銀一十九兩五錢二分薪銀一十二兩於順治十三年十二月內奉文不必分柴薪總算給俸銀三十一兩五錢二分額設衙役六名每名歲支工食銀七兩二錢於順治十三年十二月內奉文每名裁留銀六兩於康熙八年九月內奉文因錢糧不敷每名歲攤支二箇月零九日工食銀一兩一錢五分於康熙五十七年六月內奉文每名加增銀四兩八錢五分實在

衙役六名內門子一名皂隸四名馬夫一名每名
 歲支工食銀六兩共銀三十六兩於雍正七年奉
 文設立民壯四名每名歲支工食銀六兩於雍正
 十三年奉文裁汰

一本縣教官二員歲額俸銀一十九兩五錢二分薪
 銀一十二兩於順治十三年十二月內奉文不必
 賤柴薪總算給俸銀三十一兩五錢二分於乾隆
 元年八月內奉文為欽奉

上諭事案內照八品之例每員歲支俸銀四十兩共銀

八十兩

額設衙役一十三名因錢糧不敷止量召募四名每
 名歲支工食銀七兩一錢於順治十三年十二月
 內奉文每名裁留銀六兩於康熙八年九月內奉
 文因錢糧不敷每名歲攤支二箇月零九日工食
 銀一兩一錢五分又於康熙五十七年六月內奉
 文每名加增銀四兩八錢五分衙役四名內門斗
 二名膳夫二名每名歲支工食銀六兩共銀三十
 四兩

以上祭祀官俸廩糧歲共支銀九百七十四兩五錢
 六分衙役件作禁卒更夫民壯捕役斗級倉夫弓
 兵水手餉舖司歲支工食共銀三千三百四十
 兩夫馬工料倒斃買補棚廠槽鋤歲共支銀四百
 五兩八錢七分二釐共銀四千七百二十兩四錢
 三分二釐於乾隆元年十一月內奉文為謬陳未
 議等事案內於本縣地丁銀內扣留支給年終造

冊奏銷

起運

每年丁條糧銀除存留歲支外起運

布政司庫銀六千一十三兩五錢六分七釐三毫一

絲四忽二纖

文武舉會試盤費

每名例給銀四兩六錢一分三毫三絲一忽四微三塵

旌表忠孝節烈

每名例給建坊銀三十兩

養濟孤貧口糧

每名日給銀一分大建三錢小建二錢九分

以上三款歲無定額俱於起運正賦內隨時酌定

數目扣支報銷

耗羨

巴縣額徵丁條糧銀一萬七百三十三兩九錢九分
 九釐三毫一絲四忽二纖每正銀一兩徵耗銀一
 錢五分共徵耗銀一千六百一十兩九分九釐八
 毫九絲七忽一微三沙

遇閏每正銀一兩加徵銀二分四釐一毫七絲二
 忽七微三纖二沙一渺共徵銀二百五十九兩四
 錢六分九釐七毫七絲九忽六微七塵三纖七沙
 一渺三末九埃

閏銀每一兩加徵耗銀一錢五分共徵閏耗銀三

十八兩九錢二分四毫六絲六忽九微五塵一纖

五渺七末一埃

歲支

重慶府通判 養廉銀四百兩

經歷 養廉銀九十兩

照磨 養廉銀九十兩原係司獄改設江北

巴縣 養廉銀一千兩

縣丞 養廉銀一百二十兩

巡檢 養廉銀九十兩

典史

養廉銀八十兩

以上共應支養廉銀一千八百七十六兩除於耗銀全數留支外尙不敷銀二百五十九兩九錢一毫二忽八微九塵九纖七沙遇閏年不敷銀二百二十兩九錢七分九釐六毫三絲五忽九微四塵八纖六沙四渺二末九埃例於鹽羨銀內動支遇有截曠統於年終核入奏銷

按則壤成賦計口授田有賦則有丁而徭役隨之九賦九貢及任三人二人一人公旬三日二日一日載在典冊旣平且允閱及後世本色折色異其制服役助役變其法輕則布德重則離心亦有多取而急公逸使而不怨者恩膏流而衆庶服也若耽淫逸興土木更或窮兵黷武度支不給則加賦仍不給則稅人賦加人稅民困而國勢以促以前明巴縣言之額糧六萬三百餘石計折征銀八萬六千餘兩撥運曰工部曰成都曰松潘曰永鎮曰小河曰葉棠曰乾溪曰永寧曰建武所屯曰貴州石阡雜派曰荒絲曰綿花曰麂皮曰白蠟曰柴薪

日漆硃牙茶曰桌衣油燭憲書表箋徭役若驛傳
鋪司若操兵民壯若門役皂快若禁卒弓兵若廟
夫齋夫倉夫庫夫船夫渡夫塋夫燈籠夫及裱背
看司鼓吹刷印等役既層見疊出有事如修河如
運餉如工作復加派於額外賦重役繁民不堪命
又強征礦稅預借錢糧歲無虛日巴邑如此他邑
可知蜀省如此他省可知多取於下宜厚蓄於上
乃上下虛耗不歸實用一遇兵災束手無策流賊
肆起社稷傾危良有以夫我

朝定鼎以來薄賦輕徭與民更始自康熙六年迄雍
正七年清丈地畝巴邑額糧僅八千五百餘石自
雍正七年迄乾隆十九年丁條糧合併積算折征
銀僅一萬七百餘兩且

盛世滋生添丁永不加賦山角溪畔畸零磽确者永
不陞科既無撥運之煩復鮮雜派之累培養元氣
民用和樂洵千古未有云征糧之役向用里長飛
灑詭寄舞弊多端嗣定例用五戶滾單省差便民
立法至善但莊不順則用滾單難未可以他省例

之如巴邑江盤峯峙澗壑層疊人家倚山傍峪星
寄雲棲况土着者寡旋買旋賣迄無定址概用滾
單勢亦難行里長之遺遂變而用甲催甲催者就
一甲之戶輪流簽報催糧也衙門少之州縣甲催
便民衙門多之州縣甲催病民巴邑附郭文武衙
門充胥役兵丁者衆紳士又例得優免報充甲催
強半鄉愚催弗力則受比於官力催則受制於紳
士胥役兵丁每簽報之年多向書役賄免賄則賣
放不賄押充此詰彼告終歲弗休其情畏糧差累
其弊緣冗役多故用甲催不如用鄉保用鄉保仍
宜裁冗役蓋甲催一年一換鄉保可連年不換急
公者獎玩悞者革計每歲無簽報之繁比甲催有
督辦之力復有畏充鄉保圖謀挂役規避者亦有
倚仗紳士包攬優免族親者是在各該管官察其
役冗汰之究其冒免懲之則里甲當差者多庶役
可均賦易舉仰答

聖天子愛養元元輕徭薄賦之德意詎非吏治一助與

高封...
 晉...
 公...
 宜...
 其...

積貯

重慶府豐裕倉

在府署二門內雍正八年知府張光鱗於詳議事案
 內建倉廩三十一間雍正九年採買倉斗穀四千
 石雍正十年採買穀六千三百一十五石七斗九
 升雍正十一年採買穀一千六百八十四石二斗
 一升又官捐穀一十二石共貯穀一萬二千一十
 二石乾隆十七年於詳請平糶等事案內撥給巴
 縣溢穀八十七石四斗九升四合五勺乾隆十八

年於賑濟江米等事案內撥補巴縣穀一千七百石現在實貯穀一萬二百二十四石五斗五合五勺

內縣倉穀三十一間穀五式平糶買倉十穀四百
亦係署二門內庫五人平糶保舉大穀外特請軍案
重慶保豐倉

巴縣常平倉

在縣署頭門內康熙四十五年知縣孔毓忠於重豐積粟等事案內建倉廩十五間雍正七年知縣陳元德於積貯天下本計等事案內建倉七間雍正八年知縣沈天成於詳議事案內建倉十二間共三十四間乾隆二十一年知縣袁錫夔因康熙四十五年所建倉十五間年久朽爛詳請除銷實存倉十九間查原貯穀一萬一千三百二十二石八斗四合五勺乾隆十二年於嚴催預儲軍米等事

案內碾運金川軍米動支穀九千三百三十石六斗乾隆十四年於重農積粟等事案內官捐穀五十三石又於咨明事案內部員范清柱買還穀五千石乾隆十六年於飛咨事案內動支穀五千石撥運楚省轉補浙倉乾隆十七年於奏聞事案內永川縣撥補穀九千九百五十三石二斗乾隆十八年於欽奉等事案內動碾穀八千八百二十一石一斗一升撥運江南賑濟又於檄飭採買等事案內買貯穀八千石乾隆十九年於蜀穀似應碾米等事案內俊秀捐穀撥補常平穀二千石乾隆二十二年於扎知事案內動碾穀一萬二千石撥運山東賑濟存剩穀九百八十三石六斗九升四合五勺乾隆二十三年於遵批飛飭採買事案內買補穀一萬二千六百石現在實貯穀一萬三千五百八十三石六斗九升四合五勺

催運

千六

五

業
斗

十二

五百八十三

買蘇

合庄

巖

二十

山

監倉

在學院署後乾隆元年知縣王裕疆於欽奉等事案

內建倉廩三十八間原貯倉斗穀九千六百三十

六石乾隆十年於速議具奏事案內收捐監穀一

千二百九十六石乾隆十一年收捐監穀九百七

十二石共一萬一千九百四石乾隆十二年於巖

催預儲軍米等事案內碾運金川軍米動支穀二

千六十七石六斗又於欽奉等事案內收捐監穀

三千七十八石實貯穀一萬二千九百一十四石

四斗乾隆十三年又碾運金川軍米動支穀一萬石實貯穀二千九百一十四石四斗於酌籌軍糧等事案內收官生捐納穀一千四百石乾隆十四年碾給過往官兵口糧動支穀二十二石三斗二升實貯穀四千二百九十二石八升又於欽奉等事案內收捐監穀四千八百六十石收官生捐穀一千九百八十石一升共貯倉斗穀一萬一千一百三十二石九升乾隆十七年於詳請開倉等事案內平糶動支穀九千九百五十三石二斗乾隆

十八年於欽奉等事案內撥運江南賑濟動支穀一千一百七十八石八斗九升乾隆十九年於籌酌川省情形等事案內收捐監穀三千七百六十石乾隆二十年收監穀三千二百四十石乾隆二十二年收監穀五千二百二十石乾隆二十三年收監穀三千六百石乾隆二十四年收監穀一千四百四十石又於奏請等事案內至二十五年止收監穀一萬二千六十石總現在實貯監穀二萬九千三百二十石倉廩不敷詳請添建

加一息穀七百六十二石七斗八升八合七勺五撮新舊共貯本息穀八千七百六十一石五斗五升七合四勺五撮乾隆二十五年於勸捐社穀事案內又報捐穀一千一百六十五石九斗統計新舊社穀共貯九千九百二十七石四斗五升七合四勺五撮

按古耕者餘三餘一藏富於民每歲獻民數穀數復經畫於上後世常平官爲貯之社倉民自理之偶遭荒歉有備無患積貯之法詳載史冊巴多逐末戶鮮蓋藏兼之士著者少豐年尙有游匪擾害場市一遇歉收結黨蟻聚執簿強借借不遂攘奪繼之雖有中戶不敢儲蓄習勢然也是賴官有餘糧或借或糴因時調濟乃可卹寒苦之氓而靖強梁之氣且巴之積穀又有不僅爲巴計者蜀乃產米之鄉地踞上游隣封有歉多撥運協濟近如乾隆十七年運濟湖北三十萬十八年運濟江南四十萬二十二年運濟山東四十萬巴爲換船總運之所所撥穀石數倍他邑旣備本境之用兼資隣

省之需則巴之積穀不可不裕明矣昔人有建議
 廢社倉者以出納多弊之故然慎選社首官為稽
 其出納而不假手胥役每歲盤查一次年豐即陸
 續勸增實為便民第一要政有治人無治法詎可
 因咽廢食巴之常平監穀竝府穀現有五萬三千
 一百餘石不為有餘社穀現存九千九百二十餘
 石尚屬不足擴而充之時其出入是在留意民瘼
 者

課稅

明原設牙課司額徵牙稅銀三百六十兩

原設內外兩江額徵魚課銀十兩七錢七分八釐

九絲三忽

皇清自康熙二十二年前奉裁稅缺自二十二年後每

年通融增解稅銀六十兩至雍正二年於奏聞專

案內請頒司帖一百五十二張內

山貨帖五十五張徵銀六十二兩五錢

廣貨帖二十張徵銀二十七兩

藥材帖八張徵銀九兩

鐵鍋帖七張徵銀七兩

磁器帖三張徵銀四兩

布帖四張徵銀四兩五錢

紗緞帖一張徵銀一兩五錢

廣貨布疋帖一張徵銀一兩五錢

雜糧帖十二張徵銀十八兩五錢

竹木帖六張徵銀十三兩

青靛帖八張徵銀八兩

薑麻帖二張徵銀二兩五錢

油麻帖一張徵銀一兩

油帖三張徵銀三兩

酒帖三張徵銀三兩

猪帖二張徵銀二兩

絲帖二張徵銀二兩

西貨帖二張徵銀二兩

毛貨帖二張徵銀二兩

大紅帖二張徵銀二兩

杉板帖二張徵銀二兩

廣魚帖一張徵銀一兩

紙帖一張徵銀一兩五錢

銅鉛帖一張徵銀三兩

典當帖一張徵銀五兩

船行帖二張徵銀二兩五錢

乾隆十六年詳裁

現在實徵牙稅銀一百八十八兩五錢

外江漁戶二名徵銀一兩一錢五分

內江漁戶一名徵銀一兩一錢五分

現在實徵魚課銀二兩三錢

按牙行乃古互市之遺劉道源稱互郎主互市唐人書互為牙牙似牙字因訛為牙又或曲為之說曰牙如犬牙相交入之意誤已互市即周禮司市質人廛人之類是巴為泉貨藪商賈叢集行帖一百五十有餘十倍他邑向仰給於縣官今咨名於計部六年編審別其真贗雖擇糧民取互保而轉鬻代充弊難猝剪本以平物價而高下其手反使不平本以息爭訟而饕餮其心反多致訟領帖

者曰行戶幫帖者曰挂平或指貨騙銀銀到手而貨歸烏有或指銀騙貨貨到手而價杳無存始則移甲補乙及敗露而不能掩補則脫身遠颺以致異鄉孤旅跋關山涉風波數千里貿貿而來者本利盡虧他鄉浩歎縱控追於官而一時難以弋獲卽獲而朴責之監追之脂枯骨露徒瘼犴狴無計償還與其追比於後莫若清釐於先第一慎選行戶無丁糧匪殷實者除之行戶一人不能獨理勢不得不用挂平而挂平之無丁糧匪殷實者不許

收用挂平犯而逃行戶是問行戶犯而逃互保是責獲追而無償者按例治罪夫行戶之騙客賬也其弊在買者與賣者兩不相見故得從中舞弊以飽慾壑乾隆十六年余會取周禮以質劑結信而止訟之灋設立三聯票騎縫鈐印編列字號發給各行若遇交易將貨與價數註明票內約期清還其票一截給賣客一截給買客一存行戶之手買者與賣者覲面行戶不得高下其手矣符票而後兌銀行戶不得私收其價矣若物靡易售而無用

已集元 卷之三 聖
者禁詐僞飾行儂慝者禁天患貴儂者禁鬪踴
亂出入陵犯以屬遊飲食於市則有令以繩約之
名相近者相遠實相近者相爾則有令以平正之
典章具在遵守宜嚴地方官於牙僧留一分心血
則商賈受一分裨益不然鬪鬪閒皆虎狼也聽遠
人供其坐而噬之於司市之義何取

附已革米行船行

按巴米行船行昔有而今不復設者一緣弊革而
利生故不可復一緣弊革而弊更重生故實難復

米行始設於康熙二十二三等年至康熙五十年
因行賄納規釀成叅案奉部禁革嗣有斗級之設
朋克滋弊不久亦裁乾隆八年奸民陳玉然等假
捏部文經院察出擬軍完結復行申禁米客之滙
於渝者覓朋托友自爲糴糶頗稱便利而棍徒因
緣爲奸駕空指騙名曰米滾大爲客累遂有謂米
滾不便於客復謀設米行營求賄誘借名斂錢招
搖滋事此米行之所以斷不可復者渝州每歲下
楚米石數十萬計而百貨販運均非船莫濟向設

船行名曰埠頭把持滋累奉文裁革川江峽險灘多船戶有荆宜漢武四幫頭舵工惟歸州爲最上下客商各有信心船戶世相依結貨物銀兩無庸親押止憑船戶交卸十無一失名曰主戶若設立埠頭輪派先後不由商擇所僱者不必相識相識者不能相遇商人與船戶兩不相信而販運維艱自埠頭革而商貨通矣至船中之弊有五一密謀假扮船戶客人及巡河差役設局騙客騙不遂搶奪繼之有格鬪者性命堪憂名曰溜子船一偷盜客貨銀錢行至險灘故意將船撞破名曰放炮一夜架小舟乘客睡定啟板揭蓬偷取銀物名曰鑽艙一奸徒暗結黨羽充募撈夫或將開行或至中途假以撈夫欠債措不放行向客硬索銀兩名曰撈頭一撈夫將應得工食支完船開後於荒岸無人之處強欲停泊及至夜半結黨而逃名曰放飛此數者在相信之大船少在散行之中小船多縱有埠頭亦難禁絕而謀充船行者其招搖撞騙亦與米行等夫米行船行弊革而利生如彼弊革而

弊復重生如此因其利而不復重設者所以順輿
情知其弊而嚴行察禁者所以除商累不惟其法
惟其人是在自立腳根及留心柔遠人者

鹽法

巴邑雍正七年以前有鹽行無鹽商各廠竈戶領引
辦課聽客買引配鹽運至千斯門外設立鹽行任
民買食雍正八年鹽行禁革計口招商老埠商六
名設於千斯門外新埠商六名設於臨江門外四
鄉分立子店十二處復設批驗所盤弔官鹽稽察
私販

批驗所在千斯門外鹽馬頭雍正八年設又於嘉陵
江之澄江口岷江之釣魚嘴設立驗簿三本書巡

十二名每年給工食銀九十六兩稽查本邑及過路各州縣鹽船以重慶府經歷董其事

老埠在干斯門外江岸雍正八年設招商六名認銷

射洪縣水引三百九十道每道正稅銀三兩四錢五釐羨餘銀四兩八錢

九分五釐截角銀六錢共徵銀三千四百七十一兩

蓬溪縣水引一百二十六道正稅截角銀同前每道羨餘銀四兩四錢

六分共徵銀一千一百一十一兩五錢九分

三台縣水引十道正稅截角銀同前每道羨餘銀三兩七錢九分五釐共徵銀七

兩十八

新埠在歸江門外江岸乾隆五年設增商六名於老

埠內撥射洪水引一百九十五道蓬溪水引六十

三道三台水引五道稅羨截角等銀如數分撥

乾隆十九年詳請

新增富順縣水引一百道每道正稅銀三兩四錢五釐羨餘銀五兩五錢九分

五釐截角銀六錢共徵銀九百六十兩

乾隆十六年詳請

代銷崇寧縣陸引六百五十道每道正稅銀二錢七分二釐四毫羨餘銀

三錢九分一釐六毫截角銀四分八釐共徵銀四百六十二兩八錢

乾隆十八年詳請

代銷射洪縣陸引三百二十六道

正稅羨餘截角銀與崇寧同共徵銀

二百三十
一兩四錢

乾隆十九年詳請

代銷富順行中江縣陸引六百六十六道

正稅截角銀與崇寧

同每道羨餘銀四錢七分七釐六毫
共徵銀五百二十九兩七分四釐

乾隆二十二年詳請

代銷漢州陸引五百道

正稅截角與崇寧同每道羨餘銀四錢二分七釐六毫共

徵銀三百七十四兩

按漢武帝元封元年因桑弘羊請置大農部丞數

十人分部主郡均輸鹽鐵置鹽官凡二十八郡巴

郡置鹽官一員唐有鹽池十八井六百四十八皆

隸度支梓遂綿合昌渝瀘資陵簡有井四百六十

劍南東川院領之隨月督課巴渝之有鹽官鹽井

見於漢唐者如此其官駐何地井煮何處皆不可

考今土傳城內鹽井坡井一江北青草垠井一桶

井塲河開井一俱久廢塞亦不知開閉年代又江

北嘴江邊有火井曾親試之打椿下三四尺有氣

上升以火引之即然其焰上藍下黃塞樁口即滅
 每歲三月水漲則淹九月水落即出亦未聞有取
 火煮鹽者查鹽權自管仲煮海秦倍其利漢承秦
 法循而未改至孔僅桑弘二人又從而嚴例禁之
 私鬻鹽者鈇左趾厥後旋罷旋復至唐貞元中盜
 鬻兩池鹽一石者死下及五代迄宋元明承古之
 弊或奪竈官煮或奪商官賣閒有弛其例禁者奸
 商富賈獨擅厚利不佐國儲無益民食甚者恃富
 而驕不可馴束善哉致堂胡氏之言曰鹽之為物

天地自然之利所以養人也盡捐之民則縱末作

資游惰盡屬之官則奪民日用而公室有近寶之

害琛甄王之言皆未得中道也官為厲禁俾民

取之而裁入其稅則政平而害息矣方今鹽法肅

清命商買於竈而鬻於民竈與商各納其稅於官

深得胡氏之旨可不謂平歟然法立而利因之亦

法立而害隨之今之鹽或者煮海或晒池或鑿井導

泉取不一法而商從一例巴不產鹽而為鹽之藪

鹽藪即利藪利藪即弊藪弊藪即害藪而害之中

復有利在其害固在梟販而梟販之害大半藉邊引影射販運下楚以圖厚利耳渝州爲三江總匯商賈輻輳之區川西川北各井鹽一水舟來鱗集江岸鹽之藪也食鹽者衆販運者多利之藪也奸商梟棍趨利若鶩有引者空頭貼簽剗洗填寫希圖改配重照其弊在官商弊在官商者害止紊亂鹽法而梟販之弊或借引影射或無引私買沿途販賣壅滯官鹽其害猶小更有亡命之輩乘夏秋水漲滿載漏關夔萬巫峽沿江奸宄小船竄探此

等私鹽船隻到時彼此奪傷致斃此害爲甚大也在巴渝長涪以上若被查獲強半以邊引抵塞而邊引配鹽至渝赴本地發賣者十之三販運下楚者十之七蓋楚之宜昌荆襄施南一帶地方例食淮鹽逆流倒挽過金陵度九江歷漢陽萬餘里而始抵荆宜運遠費多鹽少價貴若川鹽由大江順流而下運疾費省一交楚界則價倍於蜀而楚民買食猶覺價賤於淮且鹽觔亦多於淮則楚省邊鹽之利於蜀而不利於淮彰明較著矣此害中之

利一邇來犍爲五峒橋井旺鹽多正引不能銷售各官商私販利其價賤運省本少息倍紛圖改配或竟自私配計口之發賣無多下楚之私販實夥不獨於楚之民食有利而沿江上下數千里貧民無業者充募水手大艘四五十人小亦不下二三十人其奸良固屬不一然一舉手而衣食有賴懦弱者不至轉於溝壑強梁者亦藉以束其手足約計一歲不止億萬人養活其閒也此害中之利二夫鹽之利不可遏鹽之弊不可縱而害中之利又不可不爲之變通權宜而變通之道在增蜀之鹽引變楚之鹽法恭逢

盛世滋生日繁食鹽之人益衆向來額引自不足供用應通查闔省配鹽州縣各就本地方情形詳核可增引若干卽於額引外詳請增配犍鹽在官商多一引之鹽觔在民間卽多一引之食用在竈戶無壅滯之患自不行私在地方無昂價之虞亦不淡食與其供私梟之販運不如增官商之引張官引增則私梟可杜矣至於楚省改土歸流近蜀之

鶴峯一州恩施長樂宣恩利川建始等五縣向配
川省大寧雲陽兩廠鹽觔來鳳咸豐二縣向配彭
水之郁山鎮鹽觔嗣來鳳長樂因鹽不敷食俱詳
請增配犍爲鹽觔但原配之井竈產鹽無多而楚
省邊地便食蜀鹽者不僅一州七縣不然蜀中私
鹽船隻偷行下楚者不可勝計其鹽都消歸何所
耶合照現行楚配蜀鹽之例再行推廣酌定增配
地方核明道里遠近價值貴賤將實在情形具奏

請

